

[Faint, illegible handwriting]

7

33







E L E M E N -
ta Arithmeticæ, ac
G E O M E T R I A E, A D
disciplinas omnes, Aristoteleam præ-
sertim Dialecticam, ac Philoso-
phiã apprimè neccessaria, ex
Euclide decerpta:

Petro Monçono Valen-
tino auctore.



V A L E N T I A E,

Ex typographia Pe tri à Huete.
in platea barbaria:

1562.

171 3 1 3 1

26 20 20 20 20

21 11 11 11 11

20 10 10 10 10

19 9 9 9 9

18 8 8 8 8

17 7 7 7 7

16 6 6 6 6

15 5 5 5 5

14 4 4 4 4

13 3 3 3 3

12 2 2 2 2

11 1 1 1 1

10 0 0 0 0

9 9 9 9 9

8 8 8 8 8

7 7 7 7 7

6 6 6 6 6

Petrus Monco.

N. V. S. G. E. N. ^{aur.} 20 S. O.
ac Illustri Ximeni Perezio
à Calatayu, S. P. D.



V M hzc Arithmeti-
cæ ac Geometriæ ele-
menta absoluissem, ac
de his, vt mos est, dicā
dis mecum cogitarem, tu mihi pri-
mus omniū statim occurristi, sin-
gulare decus Valentiz nobilitatis,
qui hoc muneris; qualecunq; id ef-
set, tibi quasi tuo iure vendicares.
Nam quanquam commemorare
possem non paucos, qui mea opera
& industria in liberalibus discipli-
nis perdiscendis vti sunt, te tamen
primū ego ab ipsis penē incuna-

bulis instituendum, atq; informan-
 dum suscep^o, primus ex me, cū ipso
 propemodū in lacte, literarum ele-
 menta bib^o. Quam ob rem pri-
 mos hos, & eorum, quæ in lu-
 cem edere in Dialecticam, ac Philo-
 sophiam Aristotelis constitui velut
 fundamenta, ad te pertinere, ac tuo
 nomini iure optimo consecranda
 esse, sum arbitratus. Accedit & alia
 quoq; causa, quæ me, vt id facerem,
 adhūrtata est: quòd intelligam te
 miro quodam literarum, ac bona-
 rum artium studio incensum esse,
 & ex omnibus, nullas magis nobi-
 lem adolescentem, maiorum splen-
 dore, potentia, opibus, innumeris
 & corporis, & animi dotibus nulli
 secundum decere, quàm disciplinas
 Mathematicas. Quæ præterquàm
 quod

quod absque improbo illo labore, quem aliæ desiderant, perdiscuntur, qui solet homines innumeros, & tui præsertim ordinis, ab studio literarum auocare (certissimæ enim sunt, & à contentionibus, rixosisq; disputationibus longè alienæ, nec spinosis præceptionibus torquent auditorum animos) magna cum voluptate sciuntur, & domi, foris, in vrbe, in agro, nauigati, priuato, cum potestate degenti, locis deniq; omnibus, & temporibus firmissimo sunt præsidio, & singulari ornamēto. Ad hæc cum sint per vniuersam Philosophiam latissimè fusæ, cognitæ ad disciplinas omnes viâ amplissimam sternunt: ipsis verò neglectis omnis ad scientiam additus intercluditur. Quibus omnibus de causis hæc A-

rihmeticz, & Geometriæ, quæ in
 Mathematicis principē locū tenēt,
 qua potui breuitate & facilitate ex
 Euclide decerpere curauī; vt cū di-
 sciplinis Philosophicis animū istū
 tuum, in quo innumeræ virtutes e-
 nitent, excolere cœperis: cuius rei
 desiderio te flagrare vehemēter in-
 tellexi, ex horū cognitione proxi-
 mam ad eas viam habeas, & cōpen-
 diariam. Et ne alij horū fructu pri-
 uentur, quem spero maximum fore
 atq; vberimum, ad communem
 omnium studiorum vsum hæc ipsa
 in lucē edere tuo nomine decreui,
 teq; eorū tanquā patronū & tutorē
 cōstituere; vt quod opus tibi potissi-
 mū scriptum est, id ipsum tui no-
 minis præsidio ab inuidorum ob-
 trectationibus tutū appareat. Vale.

P E T R V S M O N-

conus candido lectori, S. D.



V M publicè Aristotelis libros de Dia-
lectica, ac Philosophia in hac nostræ
Academia Valentina interpretarer, le-
ctor optime, in quo munere obeundo,
ut communia adolescentiæ iuuarem stu-
dia, non dubitavi bonam ætatis partem consumere,
summa ope nitebar, Mathematica exēpla, in quibus fre-
quens est Aristot. qua poteram dexteritate explicare:
adhibebam quicquid in me erat artis, & operæ, quòd
intelligerè obscurissimis quibusq; , his maximam lucē
afferri, & horum ignoratione in locis Aristot. nō pau-
cis ac scitu dignis, veram rei intelligentiam desidera-
ri. Sed (fateor ingenuè) inani me labore torquebam,
quòd non sine magno auditorum incommodo fieri,
sepe sum expertus. Cum enim in more positum sit, ut
adolescentes, nullam in perdiscendis artibus ordinis
rationem sequuti, magna temporum iactura, & stu-
diorum dispendio, non tam sua ipsorum culpa, quàm
eorum, qui illas sic publicè profitentur, ad Aristote-
leam disciplinā, Mathematicis disciplinis ne à limine
quidem salutatis, accedant, quid mirum si exactissi-
mas, ac proinde difficiles Geometriæ demonstra-
tiones, quæ plerunq; solent exercitatos admodum acche-
menter torquere, nō assequantur? Quid quòd differē-
di ratio innumeris referta præceptionibus, Aristote-
lis scripta varijs obstrucla difficultatibus, distrahi au-
ditorum

ditorum animos in plura studia non patiuntur. Et (ut ait Fabius) angusti oris uascula superfusam humoris copiam respuunt; quā suscipiant facile, si paulatim instillaueris. Hæc cum uersarem animo sæpe, et intelligerem planè retardari iuuenum studia, ac expectatam inde utilitatem magna ex parte impediri, ad intermissum laborem Aristoteleæ lectionis nunc denuò eo animi consilio redire constituens, ut quicquid Dialecticæ ac Philosophiæ studia ab ineunte serè ætate suscepta, homini paulò uigilanti contulerunt, id totum studiosis harum disciplinarum cultoribus candidè impertiar. Decreui iterum ad eundem lapidem non offendere, sed ita me gerere in hoc Philosophiæ decursu; ut ad eam, quam certò scio ueteres Platonem, Aristotelem, et alios omnes tenuisse docendi rationem proximè accedam, et Aristotelis scripta, quæ difficilima hactenus uisa sunt, hac methodo tradita quàm minimo labore doceantur. Excerpti itaque ex Arithmetica et Geometria Euclidis et omnia, quæ ad plenam perfectamq; Aristoteleæ disciplinæ intelligentiam mihi facere uisa sunt, quorum in Dialecticis, et uniuersa Philosophia frequentissimus est usus. Scio alia præterdè esse multa, ad utraq; artem pertinentia cognitu dignissima, et utilitatis non contemnendæ: sed neq; omnia persequi artibus tam latè patentibus inclusa nostri erat instituti, et qui elementis his nostris instructi fuerint, uiam ad libros Aristotelis (quod mihi in primis curæ fuit) et ad Euclidis opera habituros paratissimam speramus. Accipe igitur, amice lector, hanc mei erga te amoris

ris non obscuram significationem : & hunc laborem boni consule ; quem si probari tibi intellexero, ingenue spondeo in rebus omnibus, quibus iuvare posse communia studia cognouero, meam operam nunquam defaturam.

Quæ sequuntur continet Arithmetica institutio.

Cap. 1. Quid Arithmetica, & ad ceteras quo pacto affecta sit, atque ad eam quo modo referenda sit Logistica.

Cap. 2. Quæ & quot sint Arithmeticae principia.

Cap. 3. Quid unitas, quid numerus, & ex quibus partibus constet.

Cap. 4. De prima diuisione numeri in parem & imparem.

Cap. 5. De diuisione partis numeri in pariter parem, pariter imparem, & impariter parem.

Cap. 6. De alia partis numeri diuisione in perfectum, mutilum, & superfluum.

Cap. 7. De diuisione imparis numeri in primum & incompositum, secundum seu compositum, compositum per se, ad alios autem relatum primum & incompositum.

Cap. 8. De proportionibus, quid sit proportio, & quæ aptè comparentur.

Cap. 9. De diuisione proportionis in Rationalem, & irrationalem.

Cap. 10. De diuisione proportionis rationalis in eam que maioris inequalitatis dicitur, & minoris.

Cap. 11. De diuisione proportionis maioris inequalitatis, & formis eius primis multiplici, superparticulari, & superpartiente, & que his suby-
ciantur.

Cap. 12. Quibus numeri propositi quo pacto in extrema redigantur, hoc est, minimos numeros eandem seruantes proportionem.

Cap. 13. De numero accommodato figuris, & quod triplex sit eius forma, linearis, plana, & solida.

Cap. 14. De comparationū habitudine, quæ Analogia dicitur, quid sit, & quas habeat differentias.

Cap. 15. De tribus Analogiæ formis Arithmetica, Geometrica, Musica.

Cap. 16. De sex alijs Analogiæ formis ex quinto Euclidis.

Dignitates Arithmetice, & postulatæ.

Demonstrationes decem ex libris Arithmetice Euclidis decerpæ, ad Aristoteleam disciplinam pernecessariæ.

Q V I D A:
rithmetica, & ad
C A E T E R A S
quo pacto affecta
sit, atq; ad eam
quo-
modo refferenda sit Logistica.

C A P V T I.



MATHEMATI
cæ omnes circa quantum
versantur molis, aut nu-
meri. Primæ omniũ sunt
ac simplicissimæ Arithmetica, & Geo-
metria: quæ in hoc genere puræ, ac syn-
ceræ nomen illud iustè, ac legitimè re-
tinent. Continēt se solæ intra suos fines,
& cū vim maximā, ornamētiq; plu-
rimū

rimum cæteris impartiantur, suis ipsæ stant firmamentis, aliena ope non indigent, ex alijs nihil omnino capiunt præsidij. Quæ harum sunt propria, cum in aliud genus transferuntur, & rebus sensilibus accommodantur, formas Artium procreant mediæ cuiusdam naturæ: sed quæ in Mathematicarum numero soleant haberi.

Geometria in cælū sublata ASTRONOMIAM effecit, visibilibus addita ὁρατικὴν. Arithmetica sonis admixta dedit Musicam. Porro quam rationem habent duæ illæ primæ ad cæteras, eandem optinet Arithmetica Geometriæ comparata: Est enim ordine prior, & dignitate præstantior: qua sublata, labefactari alias omnes est necesse, ut nec nomen, nec fines suos tueri commodè possint. Vnde autem di-
cta

Et sit *Arithmetica*, *satis* est perspicuum à *numeris* autem dictam esse, perinde atq; *Grammaticam* à *literis*, ex ipsa nominis *ratione* *satis* constat. Hæc, ut & reliquas, quæ huius sunt generis, duas partes cõplecti *Theoreticen*, & *Præcticen*, à multis receptum est: è quibus eam, quæ est de numerorum proprietatibus, *Theoreticen* dixerunt, quam verò *Ploto* in dialogo de *Iusto* λογιστικὴν appellat. Arabes *ALGORITHMVM*, quæ ars est computandi, ad multa quidem utilis, sed facilior, ac breuior, quàm ut inter liberales artes recipi debeat, *Præcticen*. Quæ diuisio non vsque adeò *ratione* nititur, & caret veterum auctoritate. Nam *Euclides*, qui *Arithmetica* primus certa methodo tradidit, nusquam huius posterioris meminisse visus est, & *Seue-*

& Seuerinus Boëtius; qui inter La-
 tinos hanc artem copiosissimè scripsit;
 quæ ad spectatiuam pertinent, solum
 persequi videtur. Deinde in alijs di-
 sciplinis ea pars, quæ intra contempla-
 tionem subsistit, est velut præparatio
 operis, præctica verò executio: ita al-
 tera in alteram quodammodo refertur.
 Verùm Arithmetica, quæ inspectio-
 nis est, seu contemplationis; ad Logi-
 sticam nulla ex parte respicere vido-
 tur. Veriùs igitur forsitan hæc ad
 Arithmeticam nō aliter pertinere cen-
 sebitur, quàm ad Geometriam optice,
 aut stereometria. Nos ex illa, quæ ve-
 rè scientia est, & in omnes eas, quæ
 artium nomine celebrantur, quàm la-
 tissimè funditur, decerpemus. ea dūn-
 taxat, quibus ad Aristoteleam disci-
 plinam plenè intelligendam adolescen-
 tes

tes paratissimi reddantur. Hanc verò diffinire licebit scientiam, quæ vim numerorum atq; naturam perpendit, & omnes eorundem affectiones tertissimis commonstrat rationibus.

De varijs Arithmeticæ principijs. Cap. II.

A Rithmetica, quemadmodum & reliquæ artes omnes, suis constat principijs tanquam firmamentis, quibus totius disciplinæ moles nititur: ut his sublatis, corruere vniuersa sit necesse. Principiorum autem duplicem esse differentiam placuit Aristoteli, compositorum & simplicium. Simplicia sunt, diffinitiones, quas in omni disciplina cognitæ esse oportere, nemo est, qui ambigat. Compositorum duo sunt genera, alia axiomata vocantur, seu

seu communes sententiæ, vsque adeò perspicua, vt cuius, vel ex sola vocum significatione citra vllam docentis operam constare possint: Alia postulata, certa illa quidem, & ex se ipsis fidem habentia, sed quæ præceptoris operam desiderent, vt intelligantur. Ac sunt illa quidem satis multa, sed quæ nobis futura sunt vsui hîc tantùm apponenda duximus.

Quid vnitas, quid numerus, & de eius partibus, Cap. III.

VNITAS, omnis numeri principium est & mensura. Nam vt res alias numero metimur, ita numeros vnitate. Est autem vnitas, qua vnumquodq; vnum dicitur. Numerus est multitudo ex vnitatibus composita. Quod ad numeri naturam attinet, cùm superiora

periora petimus, in infinitum pro-
 gredimur. Nam cōtinuò ubi ad de-
 cem numerãdo peruenerimus, super-
 eum ab unitate numerũ reflectimus,
 idq̃ nō toties, quin sæpius fieri possit:
 cū autem ad minora descēdimus,
 necesse est in unitate cōsistere: ita ma-
 ximus numerus nō reperitur, mini-
 mus est binarius. Est numerus rerũ
 discretarũ mensura & modus, quẽ-
 admodum Aristoteles ingeniosissi-
 mē dixit. Oportet autē eos à rebus,
 quarum sunt numeri, ad solum inte-
 lectum transferri: hoc enim propriũ
 est Mathematicum. Reperitur in nu-
 mero duplex partium differentia,
 quædam aliquoties sumptæ totũ nu-
 merum efficiunt, ac metiuntur, quas
 vocant commensurabiles, vulgò ali-
 quotas: ut in quaternario, binarius:

E L E M E N T A

qui bis sumptus quaternariū procre-
at. *Alia* totum numerū non meciun-
tur. Quod enim ex ductu earum effi-
citur, aut superat, aut minus est: ut
in ternario, binarius, qui semel sum-
ptus minorem gignit numerū, sæpius
verò, maiorē. Quis numerus partem
habeat prioris generis, & vnā, aut
plures, hac regula dignoscetur. Qui
in æquos numeros solui potest, partem
habet huius generis: quòd si id semel
contingat, vnā tantū habebit, sin plu-
ries, multas, tot scilicet, quot æquales
numeros continebit: ut quaternarius,
cū in duos binarios, qui æquales sunt,
dūtaxat soluatur, commensurabilem
vnā tantū partem obtinebit bina-
riū. At. 12. cū in duos senarios, ter-
narios quatuor, quaternarios tres,
binarios sex diuidatur, ac proinde
qua

quater in aequales numeros soluat-
tur, ex quatuor partibus commensu-
rabilibus constabit. Ternarius, qui-
narius, septenarius, & id genus alij,
cū nullam in aequales numeros di-
uisionem recipiant, unitatem solam
partem cōmensurabilem habere cen-
sebuntur.

De prima diuisione numeri
in parem & imparem.

Cap IIII.

Sūma numeri diuisio est per pares Arist. 4. ca
& impares. Par numerus est, qui p̄te primi
in duas aequas partes diuiditur, ex Posteriorū
quibus totus cōflatur numerus: Impar,
qui id fieri nō patitur, seu qui in du-
as aequales partes diuisus medio uni-
tatē habet interuenientē. Pari nume-
ro inter alia multa conuenit, vt cū in

E L E M E N T A

duas partes secetur, ad quod genus una pertinet, ad idem altera referatur: ut in octonario in duos quaternarios diuiso, pars utraq sub pari numero continetur. Quod si in alias partes soluatur, ut in quinarium, & ternarium, utriq conuenit imparis appellatio. Illud quoq inest, ut si in parem ducatur alius numerus, siue par, siue impar, par oriatur, ac procreetur. Si enim in binarium. 4. duxeris, octonarius efficitur: si quinarium, denarius, quorū uterq par est. Imparem numerum hæc sequuntur, quæ prioribus serè sunt contraria. Primò, ut diuisus in partes duas, quæ totum conficiant, parem alteram habeat, alteram imparem: Deinde, ut solo impari en eum ducto, gignatur impar. Ex ductu enim

pari

ARITHMETICA: II
paris in imparem, par procreatur.

De diuisione paris numeri in pariter parē, pariter imparem, & impariter parem. Cap V.

Numerorum parium tres sunt species: Prima, pariter par: Secunda, pariter impar: Tertia, impariter par. Numerus pariter par est, qui semper in partes aequales vsq^{ue} ad unitatem dissolui potest: vt. 32. cuius dimidium. 16. huius. 8. huius. 4. huius 2. Hic nascitur ab unitate in infinitum progrediens per prioris numeri geminationem, hoc pacto. 1. 2. 4. 8. 16. 32. 64. qui numeri omnes sunt pariter pares. Huic formæ numeri peculiare hoc est, vt partes omnes eius commensurabiles sint eiusdem nominis, hoc est, pariter pares. Numerus

B 3 pari-

E L E M E N T A

pariter impar est, qui per maxima diuisus imparium numerorū constituit species: vt. 14. Producitur ab imparibus naturali ordine se consequentibus, & binario numero geminatis: vt 1. 3. 5. 7. 9. 11. 13. 15. quorum quisq₂ bis sumptus constituit huius numeri formam. Unde sequitur vnumquenq₂ à proximo abesse quaternario, & inter precedentem, ac proximè sequentem tres numeros interuenire: vt. 2. & . 6. intervallo distant trium numerorū 3. 4. & . 5. Impariter par numerus est, cuius proxima partes, tamen si in aequalia diuidātur, earū tamē partes similem diuisionem non admittunt: vt. 12. 20. 40. hoc genus cum viroq₂ dictorum symbolum est. Nam quod ad vniatē simili diuisione non peruenit, conuenit cum pariter impari: & quod

quod saepius equalium parium sectionem recipit cum pariter pari. Gignuntur formæ hæ numerorum ex ductu pariter parium in impares. Si enim constituatur series una imparium numerorum, prætermissa unitate, hoc pacto. 3. 5. 7. 9. 11. 13. & rur sus altera pariter parium initio sumpto à quaternario, ad hunc modum 4. 8. 16. 32. 64. 128. & posteriores du cantur in priores, eo ordine, quo de scripti sunt, hi producentur. 12. 24. 48. 96. 192. 384. qui omnes sunt im pariter pares.

De alia paris numeri diuisione in perfectum, mutilum, & superfluum

Cap. VI.

Parium numerorum, alij sunt perfe- Arist. cap.
cti, alij mutili, alij superflui. Per- 4. primi
fectus Posteriorum

B 4 sectus

fectus & plenus est, qui partibus proportionalibus intra se cōprehensis ei collectis est equalis: vt. 6. cuius partes sunt. 1. 2. 3. quæ coniunctæ. 6. efficiunt. Horum numerorum summa est paucitas, quæ admodum & aliarum rerum, quæ perfecta sunt: intra decem sunt. 6. intra centum. 28. intra mille. 496. Superfluous numerus est, cuius partes proportionales vsq; ad vnitatem collectæ totum superāt: vt 12. Eius enim proportionales partes sunt. 1. 2. 3. 4. 6. quæ iunctæ efficiunt. 16. Diminutus numerus est, cuius partes proportionales compositæ minus integro reddunt: vt. 8. cuius partes. 1. 2. 4. non amplius quàm septem colligunt.

§ De diuisione imparis numeri in primum & incompolitū, secundū

seu

seu compositum, compositum per se, ad alios autem relatum primum & incompositum. Cap. VII.

Habet impar numerus, quẽ ad- Arist. 4. ca
modũ & par, formas tres: Pri- pte primi
mum & incompositum: Secundũ seu Posteriorũ
compositũ: Tercium compositũ qui-
dem per se, ad alios autem relatum,
primum & incompositum. Primus
& incompositus est, quem sola vnitas
metitur: vt. 3. 5. 7. Secundus & com-
positus est, quem non sola vnitas, sed
alius quoq; metitur numerus: vt. 9. 15.
21. Secundus & ad alterum primus
dicitur, cuius per se communis est ali-
qua mensura, sed relatus ad alterũ
nullam habet: vt. 9. ad. 25. Metitur
enim nouenarium solum. 3. Sed si ad
inuicem illi duo referantur communi

mensura carent. Nam nullus est numerus, ex cuius ductu possit uterque procreari. Aristot. primum numerum visus est in duas partes distribuisse, in eum, qui altero modo primus est, & qui est utroq; modo primus. Primum altero modo vocat, quem sola unitas metitur, sed componunt numeri, cuiusmodi est. 5. qui cum non habeat aliam mensuram ab unitate, ex. 3. tamen & 2. conficitur. Utroq; autem modo primum appellat eum, qui nec mensuratur numero, nec ex numeris conflatur: cuius generis est ternarius, quem ita censet esse diffiniendum: Numerus impar, utroq; modo primus. Est quoq; in numeris paribus haec differentia, ut sit alius primus & incompositus: alius secundus & compositus. Prioris generis est solus binarius primus utroq; modo

do: Ad partem alteram ceteri omnes referuntur.

De proportionibus, quid sit
proportio, & quæ aptè
comparentur.

Caput VIII.

DE numero per se sumpto hæc-
nus diximus: Nunc de eodem
differendum est nobis, sed alteri com-
parato. Agere autem de numero
ad alterum relato, nil aliud est pror-
sus, quàm mutuā ipsorum habitudi-
nē explanare, quæ à Græcis ἀναλογία,
Latinè ratio, vulgò proportio, dici
potest. Huius partis vtilissima est
cognitio, & maximum bonarum ar-
tium studiosis præstat adiumentum:
ijs verò, qui Aristotelis discipli-
nam profitetur, apprimè necessaria.

Aristoteles
proportio-
nis memi-
nit in locis
quàmpluri-
mis, tam in
Physi. quā
in Dialecti-
cis.

Propor

*Proportio autem (qua voce, & alijs
 similibus, tamen si parum splendidis,
 utendum est) certa ab Euclide diffi-
 nitur duarum quantitatum eiusdem
 generis, alterius ad alteram habitu-
 do. Hæc non in quãtitate solùm, sed
 in alijs quoq; multis reperitur: ut in
 coloribus, sonis, viribus: sed quæ pro-
 portionem aliquam inter se servant,
 ea quantitatis naturam aut affectio-
 nem participant. Necesse est enim eo-
 rum, quæ sic affecta sunt, alterũ alte-
 ro maius esse, aut minus, aut ei aqua-
 le. Quæ quantitatis esse propria, satis
 fusè explicat in Categorijs Aristot.
 Præterea nulla est inter res alias
 cuiuscunq; natura inuenta ratio, cui
 similis in quãtitate non reperiatur.
 Unde factũ est, ut per habitudinem,
 quæ inter quãtitates intercedit, pro-
 por-*

portionem diffinierit Euclides. Opor-
 tet autem ex rebus, quæ comparantur
 (vt diximus) alteram altera maiorem
 esse, aut minorem, aut ei æqualem. Hinc
 fit, vt necesse sit, res huiusmodi ad
 idem genus pertinere, comparariq; aut
 duos numeros, aut lineas, aut tempo-
 ra inter se. Numerus autem linea,
 aut linea corpori, aut corpus tempo-
 ri non aptè comparabitur. Hæc enim
 quæ diuersi sunt generis nec sese in-
 uicem excedere, nec æqualia esse, aptè
 dici possunt. Ita acutè scripsit Ari-
 stote. sub idem genus cadere, quæ com-
 parantur omnia: quod verum esse, &
 qua ratione accipi debeat, ex his, quæ
 diximus, perspicuum euadit.

¶ De diuisione proportionis in
 rationalē, & irrationalē. Cap. IX.

Disse

Differentias quantitatis sequuntur variae proportionis formae. Est enim alia coniuncta quantitas, ut linea: Alia deiuncta, ut numerus. Quae inter alia multa, hoc potissimum discrimine separatur, quod deiuncta quantitates omnes sint commensurabiles, hoc est, communem habeant mensuram. Nulli namque sunt numeri, quos unitas non metiatur, & aliquoties sumpta componat. Coniunctae vero, quaedam commensurabiles sunt, inter quas reperitur proportio, qualis est unius numeri ad alterum: Alia in communi aliqua mensura non conveniunt, quarum proportioni similis in numeris non reperitur, cuius generis sunt Diameter & latus quadrati. Hinc orta est proportionis divisio in rationalem & irrationalem.

Ratio-

Vide Ari-
stot. lib. 4.
ad Eude-
mum, & ad
Nichom. 5.

Rationalis est, quæ ab aliquo numero denominatur, & inter quãtitates commensurabiles intercedit. Irrationalis, quæ nomen ab aliquo numero non accipit, & in his solùm quantitatibus reperitur, quæ carent communi mensura. Hanc Geometer solus considerat, cuius interest de magnitudine, & formis eius pertractare: Illã Arithmeticus contemplatur, cuius subiectas formas, vt postulat nostri instituti ratio, breuiter persequemur.

De diuisione proportionis rationalis in eam, quæ maioris inæqualitatis dicitur, & minoris.

Cap. X.

Nascuntur pportiones è numero-
rũ inter se relatione, per q̃ alterũ
alteri æq̃lem aut inæq̃lem esse necesse
est

est. *Aequalia in omnibus sunt eiusdem generis: inaequalia aut excessu, aut defectu finiuntur. Proportio itaq; altera aequalitatis dicitur, altera inaequalitatis: Illa inaequalibus reperitur numeris, ut duobus binarijs, duobus ternarijs: simplex & athoma: Simplici enim ac vno tantummodo contingit numerum vnum alteri aequalem esse. Haec in duas partes scinditur, maioris inaequalitatis, & minoris. Habitudinem maioris numeri ad minorem, proportionem vocant maioris inaequalitatis: cum autem minor numerus maiori comparatur, proportio est minoris inaequalitatis. Vtriusq; eadem sunt formae, & iisdem vocibus designantur: nisi quod in minori inaequalitate, nominibus maioris additur praepositio sub. Quare*
cum

*cùm communia ferè habeant omnia,
de altera dixisse sat fuerit.*

De diuisione proportionis maioris
inæqualitatis, & formis eius primis
multiplici, superparticulari, & super
partiente, & quæ his subiiciantur.

Cap. XI.

Maior inæqualitas nascitur ex
vnius numeri ad alterum ex-
cessu, quod cùm varijs modis contin-
gat, variæ inde effectæ sunt huiusmo-
di proportionum formæ. Tres pri-
mæ simplices sunt, Multiplex, Su-
perparticularis, Superpartiēs. Duæ
ex coniunctione harum mutua pro-
creantur, multiplex superparticula-
ris, & multiplex superpartiēsis: qui-
bus vocibus, cùm non sint commodio-
res inuentæ, vtendum est nobis. Nec

C alia

alia est efferendi ratio, nisi in paucis, quibus à Græcis nomina posita sunt. Multiplex proportio est, quādo maior numerus nō semel cōtinet minorē, qualis est, quaternarij ad binarium, 9, ad. 3. Huius formæ sunt propemodum infinitæ, tot scilicet, quot numerorum, à quibus nomē accipiunt, species: Quarum nomina sunt, dupla, tripla, quadrupla, quintupla, &c. Dupla est, quando numerus maior minorem bis continet, qualem. 8. servat ad. 4. Tripla, quando ter, qualis est inter. 9. & 3. In cæteris simili modo. Proportiones huius generis, inveniuntur omnes, si. 1. qui sequuntur numeri comparentur, 2. reliqui omnes, 3. qui ipsi succedunt, servato semper naturali ordine numerorum. Unitatem enim. 2. respicit proportio-
ne du

ne dupla. 3. tripla. 4. quadrupla, & hoc pacto comparatione reliquorum cū vnione. Multiplicis proportionis infinitæ species reperiuntur. Superparticularis est, qua maior minorem, & eius insuper portionem aliquam continet: quæ si dimidiata sit, Græcè $\epsilon\pi\iota\mu\acute{o}\lambda\iota$ & dicitur, à Cicerone sescupla, vulgò sesquialtera: vt. 6. ad. 4. Si præter integrum tertiam minoris partē complectitur, $\epsilon\pi\iota\tau\epsilon\tau\acute{\alpha}\rho\tau\iota$ & : Si quartam $\epsilon\pi\iota\tau\acute{\epsilon}\tau\alpha\rho\tau\iota$ &, Latinè sesquitertia, sesqui quarta, ac deinceps in infinitū, relato maiore ad proximè minorē: vt. 2. 3. 4. 5. 6. secundus ad primum, sescuplus est: tertius ad secundū, sesquitertius: sequens ad istum, sesquiquartus. Superpartiens proportio, qua maior minorē semel cōprehēdit, & plures partes eiusdem nominis cō-

*mēsurabiles, ex quibus fieri vna ne-
 queat maioris denominationis. Par-
 tes cōmensurabiles eiusdem nominis
 intelligendæ sunt, duæ tertiæ, tres
 quartæ. Pars vltima hoc exēplo in-
 notescet. 10. ad .7. proportionem ha-
 bent superpartientem: ad .8. verò su-
 perparticularem. Nam etsi .10. pra-
 ter .8. duas octauas contineant, sci-
 licet, vnitates duas: ex his tamen bi-
 narius conflatur, qui quarta pars est
 octonarij. Proportionis huius formæ
 multæ sunt, in infinitum possunt ex-
 crescere. Sumuntur enim ex partium
 cōmensurabilium numero, qui cer-
 tis ac definitis terminis non claudi-
 tur, & ex eodem nomina trahunt: vt
 superbipartiens, qua maior continet
 minorem, & duas eius partes: super-
 tripartiē, qua continet tres partes:*
super

Superquadripartiens quatuor. Harum singulis innumera subiiciuntur species, superbipartienti, superbipartiens tertias, superbipartiens quartas. &c. Supertripartienti, supertripartiens quartas, supertripartiens quintas, supertripartiens sextas, supertripartiens septimas. &c. Eodem modo in cæteris. Quanam autem sit cuiusq; harum ratio, ex ipsis vocibus perspicuum euadit. Duæ aliæ proportionis formæ compositæ sunt: Multiplex superparticularis, & Multiplex superpariens. Multiplex superparticularis est, qua maior numerus minorem continet pluries, & partem aliquam commensurabilem: ut 5. ad 2. Nam binarius bis continetur in quinario, & præterea vnitas, quæ dimidium est binarij. Huius species

C 3 sunt,

E L E M E N T A

Dupla superparticularis, tripla superparticularis, quadrupla superparticularis. In prima maior numerus minorem continet bis, & partem unam, quæ cernitur in .5. & binario: In altera maior minorem comprehendit ter, & partem itidem unam, qualem servat 7. ad. 2. In tertia minor numerus in maiori quater comprehenditur, quæ comparatur. 9. ad. 2. & .13. ad. 3. Harum singulæ divisionem recipiunt in finitam, ut in finitus est etiam partium commensurabilium numerus: efferunturque omnes compositis nominibus, vocibus formarum multiplicis proportionis, & superparticularis in unum nomen coniunctis, hoc pacto, dupla sesquialtera, dupla sesquitercia: tripla sesqui altera, tripla sesquitercia, & ita licet in infinitum progredi in
huiusmo

huiusmodi formis: Quarum de finitiones constituentur facile, si earum, quas multiplex & superparticularis cōplectuntur, rationes cōiungantur.

Multiplex superpartiēis proportio est, qua maior numerus minorem continet plusquā semel, & aliquot præterea partes: vt. 8. ad. 3. 11. ad. 4. Huius species ex formis multiplicis, & superpartiētis constantur. Proximæ sunt, dupla superpartiēis, tripla superpartiēs, quadrupla superpartiēs.

Harū vnæquæq; sub se habet infinitas, quæ nascuntur ex infinito partiū numero: cuiusmodi sunt, dupla superbipartiēs, dupla supertripartiēs, dupla superquadrupartiēis: tripla superbipartiēs, tripla supertripartiēs.

Hæ quoq; singulæ diuidi in alias possunt itidē numero infinitas, hoc modo

C 4 Dupla

Dupla superbipartiens tertias, dupla superbipartiens quartas, dupla supertripartiens quartas, quintas, sextas, in cæteris eodem modo. Nam in immensum produci queunt, & earum omnium rationes facillimum est ex precedentibus elicere.

Quivis numeri propositi quo pacto in extrema redigantur, hoc est, minimos numeros eandem servantes proportionem.

Cap XII.

T*Ermini proportionis appellantur minimi numeri in aliqua proportionem: ut proportionis sesquialtera termini sunt, 3. & 2. Nam minores his in ea proportionem reperiri non possunt. Cum igitur duo sese offerunt numeri, quorum habitudo non*
satis

satis perspecta est, illos ad terminos
 sic reducemus. Maior numerus per
 minorem diuidatur. Si in diuisione ad
 unitatem peruenitur, non est progre-
 diendum ulterius: illi enim sunt mi-
 nimi in ea proportionem numeri: si ve-
 rò numerus aliquis supersit, per hunc
 minor numerus diuidatur, quem si
 absumi contingat, cessandum est à di-
 uisione: sin minus, numerus, qui ex
 prima diuisione supersuit, per alterum
 diuidendus est, qui est ex secunda diui-
 sione relictus, fietq; hæc reciproca di-
 uisio, donec occurrat numerus, qui di-
 uidendum totum consumat. Per hunc
 ultimo currentem, diuidantur nu-
 meri propositi, & qui prodibunt erunt
 proportionis termini: ut propositi nu-
 meri. 30. & 18. quorum non ita facile
 cognita est habitudo, sic ad termi-

nos redigentur, diuisis. 30. per. 18. relinquantur. 12. Per hæc diuido minorem numerum. 18. relinquantur. 6. per quæ. 12. diuido residuum primæ diuisionis, & quoniam video consumptum esse id quod diuidendum erat, per senarium. 30. diuido, & apparent in quotiente. 5. diuido rursus. 18. exeuntq̃. 3. hi sunt termini proportionis, quam habent. 30. ad 18. cumq̃ inter terminos proportio intercedat superbipartiens tertias, cōcludere licebit, maiores numeros eadem sese proportionem respicere.

De numero accommodato figuris, & quòd triplex sit eius forma, linearis, plana, & solida.

Cap. XIII:

Figura

Figura in magnitudinibus repe- Arist. 4. ca
ritur & in coniuncta quantitate. pite primi
Sed prius ac simplicius in numeris, Posteriorū
argumēto est, quòd eundem numerū
in varias formas possumus transfor-
mare, eādem autē magnitudinem nō
possumus. Triplex autē est numero-
rū figura, linearis, plana, seu super-
ficialis, & solida. Linearis numerus
est, qui suas omnes in eandem positio-
nem porrigit vnitates: sub qua forma
omnes numerorū species continentur,
si ita describantur, vt in vnum &
idem interuallum perpetuò procedāt,
binarius hoc modo, . . . , ternarius
itidem eodem . . . , & ita in ceteris.
Planus numerus est, qui ex duobus
numeris procreatur, sese ad inuicem
multiplicātibz, vel qui per suas vni-
tates in plana superficie descriptus,
longitu

longitudinem latitudinemq; tantum
 obtinet, ut quaternarius, si ita descri-
 batur: : Habet infinitas species sub
 se. Prima est triangularis numerus,
 qui ab unitate descriptus tria latera
 reddit æqualia hoc modo. . . in quam
 figurã redigi possunt, ternarius, se-
 narius, denarius, & alij permulti.
 Secunda est circularis numerus, qui
 ex aliquo numero in seipsum ducto
 productus, in illum tandem desinit à
 quo producebatur, ut. 25. Procreatur
 enim ex ductu quinary in seipsum,
 & in quinariũ finiuntur. Sic quoq;
 36. 625. numeri sunt circulares. Nã
 alter ex ductu senarij in seipsum pro-
 ducitur, alter ex ductu. 25. Ducta
 videtur appellatio ex circulo Geome-
 trico, in quo idem pñctum principium
 est, atq; finis. Numerus quoq; quadra

tus sub plano continetur, de quo frequens admodum mentio in Philosophicis habetur disciplinis. Est autem quadratus numerus, qui ex ductu numeri alicuius in seipsum semel, procreatur: ut. 4. 9. 16. 25. Producitur enim quaternarius ex binario in seipsum ducto, nouenarius ex ternario, 6. ex quaternario, hoc modo. Bis duo, ter tria, quater quatuor. In huiusmodi quadratis numeris, ille, ex cuius ductu procreantur, radix, seu latus quadrati appellatur: ut quaternarij radix est binarius: nouenarij ternarius, quod facile intelligetur cuiusque numeri quadrati unitatibus in tetragonam figuram reductis. Conuenit inter alia multa huic numero, ut si vnus in alterum ducatur, eiusdem nominis & formæ tertius procreatur,

tur hoc est, quadratus. Ducto enim non
 uenario in quaternarium, efficiuntur
 36. numerus quadratus. Sunt & alia
 plani numeri formæ permultæ, altera
 parte longior, pētagonus, hexagonus:
 sed omnes persequi non est nostri insti-
 tuti. Solidus numerus est, qui ex tri-
 bus numeris producitur sese multipli-
 cātibus, vel qui sparsim per suas uni-
 tates descriptus longitudinē, latitudi-
 nē, & altitudinē habet: ut. 8. quē tri-
 bus illis constare dimensionibus intelli-
 gemus, si eius unitates in singulos res-
 seræ angulos distribuuntur, quolibet
 latere pares, hoc est, duas cōplectente.
 Habet species permultas, Sphæricū,
 pyramidem, Pheniscū seu Cuneolū:
 quorū rarò incidit apud Philosophos
 mētio, certè ab Arist. nusquā in exē-
 plū assumpti videntur. Cubus, qui in
 soli-

solidis numeratur, frequētissimus est
 vsus. Is dicitur numerus ex ductu al-
 terius in se ipsum bis, procreatus, aut
 quod idem est, ex ductu quadrati in
 suū latus, vt. 8. 27. Si enim binarius
 in se ipsum bis ducatur, hoc modo, bis
 duobis. 8. efficiētur: et si ternarius in
 se ipsum ratione eadem, secundus nu-
 merus procreabitur. 27. Idem seque-
 tur omnino ducto quaternario in suū
 latus, hoc est, binariū. In hac numeri
 forma, quē admodum & in quadratis,
 radicē appellare consueuerūt numerū
 illū, ex cuius ductu gignitur Cubus,
 vt octonarij radix est binarius, 27.
 ternarius. Traditur autem certa in
 vtrisq; radicis inueniēda regula, sed
 hac ex ea petēda est, quæ cōputādi ra-
 tionē docet, quā Logisticā diximus.

De comparisonum habitudine,

quæ Analogia dicitur, quid sit, &
quas habeat differentias.

Cap. *XIIII.*

Omnis comparatio, ut minimū,
fit inter duo extrema, de qua hæ-
tenuſ diximus. Solent autem sæpiſ-
ſimè plura duobus ſibi inuicem com-
parari: ubi non vna tantū eſt ratio,
ſed plures: comparanturq; non tam
extrema ipſa, quàm rationes, quā ha-
bitudinum comparationem poſſumus
appellare, Analogiam ſeu mediocri-
tatem, vulgò proportionalitas nomi-
natur. Sic igitur Analogia ſimili-
tudo quædam & comparatio multa-
rum proportionū. Reperitur aliquā-
do in tribus extremis, quorū medium
bis ſumitur: ut ſi comparentur hi nu-
meri. 4. 2. 1. Eſt enim ſicut primus
ad

ad secundum, ita secundus ad tertium: vocaturq^{ue} continua Analogia. Cùm autem accipiuntur plura tribus, ut vnoquoq^{ue} semel tantum in comparatione utamur, nascitur genus alterum Analogiæ priori contrarium, quam disiunctam vocant: qualis cernitur in his numeris, 12. 6. 8. 4. in quibus, quæ est ratio primi ad secundum, eadem est tertij ad quartum.

De tribus Analogiæ formis, Arithmetica, Geometrica, Musica.

Cap. XV.

ANalogiæ formæ reperiæ sunt multæ, quæ nec certa ratione possunt comprehēdi. Sed veteres triū duntaxat præcipuè meminisse visi sunt, Arithmetica, Geometrica, & Musica: quas mediocritates appellarunt,

E L E M E N T A

larunt, ducta fortasse ex virtutibus
 morum similitudine. Hæ enim inter
 extrema duo exuperantiam & defe-
 ctionem medio quodam loco consiste-
 re traduntur. Est q̃ eadem in Ana-
 logia ratio, in qua tres numeri repe-
 riuntur, medius vnus, & extremi duo,
 ita inter se compositi, vt extremorum
 alter exuperet medium, alter ab eo
 deficiat. Mediocritas Arithme-
 tica est, in qua inter numeros, qui si-
 bi inuicem comparantur, eadem est
 differentia, hoc est, idem excessus, non
 similis proportio, qualis est in tribus
 numeris. 4. 3. 2. & in his quatuor. 8.
 6. 3. 1. Comparatur enim octonarius
 senario, & ternarius vnitati: &
 quo excessu primus vincit secundum;
 eodem tertius superat quartiũ. Est q̃
 in vtrisq̃ differentia binarius. Geo-
 me

metrica mediocritas est, in qua spectantur, non eadem differentia, sed proportionales similes: ut. 9. 6. 4. 15. 5. 6. 2. Nam in illis proportio una est, sesquialtera, in his tripla, & inaequales differentia. Vincunt enim 9. 6. ternario: hi verò. 4. binario. Reperitur prater hæc tertium Analogia genus harmonicum, in quo nec eadem observatur numerorum differentia, nec ratio similis, sed conferuntur inter se partium excessus, habentq; rationem eandem, quam maximus numerus ad minimum, ut videre est in his. 6. 4. 3. quorum differentia sunt maioris & medij. Binarius, medij, & minoris unitas: Est autem binarij ad unitatem ratio eadem, quæ senarij ad ternariũ, dupla videlicet.

ELEMENTA
De sex alijs Analogiæ formis
ex quinto Euclidis.

Cap. XVI.

Euclides quinto elementorum sex alias constituit Analogiæ species, conuersam, permutatam, coniunctam, disiunctam, euersam, & equã. Conuersa est, cùm sumptis quatuor numeris, in quibus, ut se habet primus ad secundum, ita tertius ad quartum, concludimus ordine conuerso, quod est secundus ad primum, idem esse quartum ad tertium, hoc modo: si est. 8. ad 4. sicut. 6. ad. 3. erit è conuerso. 4. ad 8. sicut. 3. ad. 6.

Permutata est, cùm primus est ad secundum, sicut tertius ad quartum, & ex eo concluditur primus esse ad tertium, sicut secundus ad quartum:

ut si

ut si est. 8. ad. 4. sicut. 6. ad. 3. erit permutatim. 8. ad. 6. sicut. 4. ad. tria, inter quos eadem omnino ratio est.

Coniuncta vocatur, cum est primus ad secundum, sicut tertius ad quartum: unde colligimus primum cum secundo esse ad secundum, quod est tertius cum quarto ad quartum: ut si est. 8. ad. 4. sicut. 6. ad. 3. erit coniunctim. 12. ad. 4. sicut. 9. ad. 3.

Disiuncta est, cum primo & secundo eodem modo se habentibus, quo secundus & quartus, concludimus differentiam primi & secundi eam servare proportionem ad secundum, quam servat differentia tertij & quarti ad quartum: ut si sunt. 18, ad. 6. sicut. 9. ad. 3. erunt. 12. ad. 6. sicut. 6. ad. 3.

Eversa est, cum primo & secundo, tertio itidem & quarto eandem inter

se proportionem seruantibus, colligimus primum ad differentiam ipsiusmet & secundi se habere, quemadmodum tertium se habet ad differentiã, qua vincit quartum: vt si sunt. 12. ad 4. sicut. 9. ad. 5. erunt. 12. ad. 8. sicut 9. ad senarium. Aequa Analogia est, in qua propositis duobus numerorum ordinibus eandem inter se rationem seruantibus, colligimus medijs intermissis, inter extrema similem esse proportionem: vt si sumantur tres numeri. 12. 6. 3. & ex altera parte tres alij. 8. 4. 2. cùm sit vtrorunque ratio eadem concludere licebit. 12. & 3. extrema prioris ordinis eo modo sese habere, quo. 8. & 2. extrema secũdi.

Simplicia principia artis, hoc est, diffinitiones, hæcenus tradidimus: qua sequuntur ad alterũ genus pertinent,

inent, suntq; dignitates & postula-
ta arti & conficienda & pernosce-
da apprimæ necessaria.

Dignitates Arithmeticz.

Omnis numerus est maior quali- 1
bet sua parte.

Ea pars minori dicitur maior, 2
quæ sortitur minorem denominatio-
nem, minor quæ maiorem.

Omnis numeri monas est, pars ali- 3
quota & denominata ab ea.

Omnis numerus totus à monade 4
est, quota eius pars monas nuncupa-
tur.

Omnis numeri partes simul colle- 5
ctæ æquantur suo toti.

Numerus crescens ex maiorũ ad- 6
ditione, maior est eo, qui crescit ex ad-
ditione minorum.

- 7 Qui consurgunt æquali multitudine vnitatum, sunt ad inuicem æquales.
- 8 Hi numeri sunt ad inuicē æquales, quorum partes eiusdem denominationis sunt inter se æquales.
- 9 Si æqualibus numeris æquales adiciantur, consurgunt æquales.
- 11 Si ab æqualibus numeris æquales numeros demas, residui erunt æquales.
- 12 Si æqualibus numeris addantur inæquales, inæquales consurgent.
- 13 Si ab æqualibus auferantur inæquales, remanentes erunt inæquales.
- 14 Si numerus in monadem ducitur, aut contra, idem numerus semper oriatur.
- 15 Duobus inæqualibus numeris propositis, si differētia maioris addatur minori

minori numero, relinquentur æquales numeri.

Si numerus ducatur in alterum, 16
productus sese habet ad multiplican-
dum, ut multiplicans ad unitatem.

Si numerus diuidat alium, qui di 17
uiditur ad diuidentem sese habebit,
ut quotiens ad unitatem.

Qui ad eundem numerum relati 18
æquales seruant proportionem, sunt
ad inuicem æquales.

Si duo maiores numeri tertiū ali- 19
quem efficiunt, & duo minores pari-
ter, qui ex coniunctione maiorum pro-
creabitur maior erit.

Eadem est proportio maioris nu- 20
meri ad minorem, quæ partis ad par-
tem eiusdem nominis.

Quoties numerus à numero sub- 21
trahi potest, toties in eo potest & nu-
merari.

Petitiones seu postulata.

- 1 **N**umerum in infinitum crescere.
- 2 Nullum numerum in infinitum decrescere.
- 3 Unitatem pari numero adiunctā imparem reddere.
- 4 Unitatem impari adiunctam efficere imparem.
- 5 Cuius numero innumeros assignari posse aequales.
- 6 Maiorem numerum non numerare minorem.

Demonstrationes decem.

EX Arithmetica vnam tantum aut alteram demonstrationē in exemplum assumpsisse visus est Aristote. nos tamen has paucas ex varijs libris Euclidis hic apponendas duximus

ximus: quarum alia ad ea, quæ ex
 arte ista Dialecticis & Philosophi-
 cis libris inserta sunt, pertinent: alia
 Geometricis intelligendis sunt neces-
 saria. Nemini itaque mirum vide-
 atur, si ex tam multis has tantum
 decerpserimus. Porro in his traden-
 dis hanc secuti sumus methodum, ut
 præter Campani commentaria, aut
 Theonis, demonstrationes singulas,
 quæ hanc operam desiderare vide-
 bantur, in partes distinxerimus, pro-
 bationibus omnibus explicatis atque
 explanatis. Sic enim speramus, fa-
 cillimè, etiam à rudissimis quibusq̃,
 perceptas iri. Sumpsimus quoque
 Theoremata aliquot in his nostris
 demonstrationibus, velut Hypothe-
 ses, demonstrationibus eorum præ-
 termiſſis, quòd arduæ atq̃ difficiles
 nimis

nimis viderentur, & absq^{ue} alijs per multos neutiquam intelligi possent.

Theorema primum. 17. septimi Euclidis.

3
a
12
e

 4
b
12
d

Si duorum numerorum uterq^{ue} ductur in alterum, qui inde producitur erunt aequales, seu potius idem utrobq^{ue} proveniet.

Numerus numerum multiplicare dicitur, quando quotæ sunt in ipso unitates, toties componitur multiplicatus, & gignitur aliquis. Ex qua diffinitione perspicuum euadit, quoties multiplicatus numerus reperitur in tertio, qui producitur, toties unitatem esse in multiplicante: & contrà, quotiens unitas est in multiplicante, toties multiplicatū in tertio illo reperiri, qui ex multiplicatione procreatur. Sint igitur *a* & *b* numeri, & ex *a* in *b* proveniat *c*, idem etiam ex *b* in *a* producet. Cum enim ex *a* in *b* proveniat *c*, per diffinitionem proximè traditam erit *b* in *c*, quoties unitas in *a*. Iam si unitas ad *a* sese habet, quemadmodum *b* ad *c* (numerat enim unitas *a*, sicut *b* *c*) permutatim ergo quoties unitas in *b*, toties *a* in *c*. Quod etiam per 16. septimi perspicuum euadit, quæ ita habet: Si numerat

numerat unitas aliquem numerum, quoties tertius quartum, erit quoque permutatim, ut quoties unitas numerat tertium, toties secundus numeret quartum. Quia igitur a toties coaceruatur in c , quoties in b est unitas, sequitur ex definitione ex b in a fieri c , quod probandum erat.

Demonstrationis explicatio.

Demonstratione efficitur ex b numero in a fieri c , idque tribus rationibus.

Prima concludit, quoties unitas est in a , toties b esse in c , in hunc modum.

Quando numerus numerum multiplicat, quoties unitas est in multiplicante, toties multiplicatus est in tertio, qui gignitur,

Atqui a multiplicat b , et gignitur c ,

Ergo quoties unitas est in a , toties erit b in c .

Constat ex præmissa definitione.

Est hypothesis.

Secunda concludit, quoties unitas in b , toties a in c , in hunc modum.

Quando numerat unitas aliquem numerum, quoties tertius quartum, erit permutatim, ut quoties unitas tertium, toties secundus numeret quartum:

Sed unitas numerat a , quoties b c ,

Ergo quoties erit unitas in b tertio, toties a secundus erit in quarto c .

Constat ex 16. septima

Est conclusio præcedentis.

Tertia

E L E M E N T A

Tertia colligit, quod probandum erat, ex b in a fieri c.

Constat Quando quot sunt unitates in aliquo numero, ex præmissis toties alter coaceruatur in tertio, tertius fit ex duobus definitio At primi in secundum,

ne. At quoties unitas est in b, toties a est in c,

Est conclusio Ergo ex ductu b in a fit c.

sio præcedentis.

Theorema secundū. 18. septimi.

6 Si vnus numerus in duos ducatur,
d
3
b
4
e
c
a. 2
multiplicati.

Multiplicet a utrumque duorum numerorum b & c, & gignantur d & e, dico eam seruare proportionem d ad e, quam b ad c. Nam si a multiplicat c, & prouenit d, erit b in d, quoties unitas in a. Rursus, si a multiplicat c, & producit e, erit itidem c in e, quoties unitas in a per diffinitionem traditam. Ita d b, & e c æqualiter continent, nam quoties a unitatem. Ergo sicut d ad b, ita e ad c. Quare permutatim erit d ad e, sicut b ad c, quod probandum fuit.

Explicatio.

Demon

Demonstratio probat d ad e eam servare proportionem, quam b ad c tribus rationibus.

Prima concludit, b in d , & c in e reperiri, quoties unitas in a .

Quando numerus numerum multiplicat, quoties unitas est in multiplicante, toties multiplicatus est in tertio, qui gignitur,

Atqui a multiplicat b , & producitur d , itidē multiplicat c , & producitur e ,

Erunt igitur b in d , & c in e quoties unitas in a .

Secunda concludit, id esse d ad b , quod e ad c , in hunc modum.

Numerorum ad eos, quos ex æquo continent, eadem est proportio: Ex se patet

Cōtinent autem d b , & e c ex æquo, nam quoties a unitatem, Est conclusio præcedentis.

Ergo d ad b , & e ad c eadem erit ratio.

Tertia concludit, quod demonstrandum erat, id esse d ad e , quod b ad c .

Propositis quatuor numeris, si sit primus ad secundum, sicut tertius ad quartum, erit sicut secundus ad quartum, ita primus ad tertium: Ex permutatione proportionum.

Atqui d ad b perinde sese habet, atq; e ad c , Conclusio præcedentis

Ergo quod est b ad c , id erit d ad e .

Theo

Theorema tertium. 20. septimi.

^a
^b
^c
^d
^e
^f
^g

⁶ Si fuerint quatuor numeri pro-
⁴
³ portionales, quod ex ductu primi in
² ultimum produciatur, æquum est ei,
¹²
¹² quod fit ex ductu secundi in tertium.

²⁴

Proportionales numeri vocantur, qui se omnes eadem proportionem respiciunt. Sit proportio a b , sicut c ad d , fiatq; ex a in d e , & ex b in e f : erunt proculdubio e & f numeri æquales. Ducatur enim a in b , & fiat g , erit per decimam octauam præcedentem g ad d , sicut b ad d . Cumq; per 17. ex b in a fiat g , & ex eodem b in c f , erit per decimam octauam g ad f , sicut a ad c . Quod si g seruat proportionem ad e , quam b ad d , & idem g ad f eandem seruat, quam a ad c , cū illorum proportionem sint eadem, erit g ad e & f proportio eadem: ergo e & f sunt numeri æquales.

Explicatio.

Demonstratio probat e & f esse numeros æquales, quorum e produciatur ex ductu a in d , f uerò ex ductu b in c , quatuor rationibus.

Prima concludit, si ducatur a in b , & fiat g , g ad e sese habere, sicut b ad d , in hunc modum.

Si numerus unus in duos ducatur, qui gignuntur Ex.18. scilicet
ex multiplicatione eandem rationem habent, quam primi.
multiplicati.

Atqui a multiplicat b , & gignitur e , idem a Hypothesi.
multiplicat b & producitur g .

Ergo sicut b ad d , qui sunt numeri multiplicati, ita g ad e , qui ex multiplicatione procreantur.

Secunda probat, ex b in a fieri g , hoc modo.

Si duorum numerorum uterque ducatur in alterum, idem numerus utrobique proveniet, Ex.17. scilicet
primi.

Atqui ex a in b fit g ,

Ergo si b ducatur in a , idem g proveniet. Hypothesi.

Tertia concludit, esse g ad f sicut a ad c .

Si numerus unus in duos ducatur, geniti eandem Ex.18. scilicet
habent rationem, quam multiplicati. primi.

Atqui ex b in a fit g , & ex eodem b in c , f , Hypothesi.

Ergo g ad f erit, sicut a ad c . sis.

Quarta colligit, quod demonstrandum erat, e & f esse numeros pares.

Si unius numeri ad duos sit eadem proportio, necesse est illos esse pares: Ex se patet.

Atqui g ad e & ad f eandem servat proportionem. Ex precedentibus.

Ergo e & f sunt numeri equales.

E Theo

Theorema quartum.

22. septimi.

a ⁶ Si fuerint duo numeri secundum
b ⁵
c ² suam proportionem minimi, ipsi erunt
d ⁴ ^e ³ ad inuicem primi.

Sint duo numeri a & b secundum suam proportionem minimi, dico ipsos fore ad inuicem primos. Si enim non sint, numeret eos c , secundum d , & e : Eritque per 18. d ad e , sicut a ad b . Et quia d & e sunt minores a & b , sequitur a & b non esse sue proportionis minimos, quod est positioni contrarium.

Demonstratio explicatione nō indiget.

Theorema quintum. 21. octau.

a ⁸ Si quatuor numerorum continuè
b ¹²
c ¹⁸ proportionalium primus fuerit cu-
d ²⁷ bus, quartum cubum esse necesse est.

Sint quatuor numeri continuè proportionales a, b, c, d , sitque a cubus, dico d etiam fore cubum.

bum. Principio quod decima nona demonstratione concluditur statuatur principij loco : Si duorum numerorum duo medij proportionales fuerint numeri, ipsos solidos fore atque similes. Quod exemplis multis ostendi potest, & in præassumptis numeris euadit perspicuum. Cum enim inter. 8. & 27. duo medij proportionales intercipientur. 12. & 18. in quibus, quæ est proportio primi ad secundum, eadem est secundi ad tertium, & tertij ad quartum: nam utrobique est sesquitertia, ipsi extremi. 8. & 27. sunt numeri solidi, & similes, uterque enim cubus. Ex theoremate isto pendet propositi demonstratio.

Quoniam enim inter a & duo medij proportionales intercipiuntur b c , erunt ipsi solidi, & similes:

Atqui a est cubus ex hypothesi,

Ergo & d erit cubus.

Explicatio.

Demonstratio ostendit, cum inter a & duo medij proportionales sint numeri b c , & a sit cubus, d quoque fore cubum unica tantum ratione.

Si duorum numerorum duo medij proportionales fuerint numeri, ipsi solidi erunt & similes, ut si unus sit cubus, sit quoque cubus & alter, Ex 9. o. c. a. ui.

Atqui inter a & duo medij proportionales sunt numeri c b , Hypothesis.

E 2 Ergo

Ergo a & d solidi erunt & similes, est autem a cubus ex hypothesi: ergo & d , quod fuerat demonstrandum.

Theorema sextum. 23. octavi.

Si duorum numerorum, quorum proportio fuerit sicut cubi ad cubum, alter vter fuerit cubus, erit quoque cubus & alter.

Sint duo numeri a b seruantes eandem proportionem, quam seruant c d , sitque a cubus, dico b cubum esse. Necesse est enim c & d solidos esse & similes, cum sint cubi, quod constat ex. 19. octavi.

Inter ipsos itaque cadent duo medij proportionales per. 18. totidem igitur cadent inter a b per. 8. octavi, quæ demonstrat, si inter duos numeros numeri quodlibet continue proportionales ceciderint, inter omnes eiusdem proportionis totidem cadere. Medij inter a b sint e f . Quonia igitur quatuor numeri a , e , f , b continue proportionales sunt, & a est cubus: ergo b erit cubus, quod fuerat demonstrandum.

Explicatio.

Demonstratio cõcludit, si a & b perinde sese habeat atque c & d , qui sunt cubi, & a sit cubus, b cubum

cubum fore quatuor rationibus.

Prima colligit, c d esse solidos & similes, in hunc modum.

Omnes cubi sunt solidi similes,

At c d sunt cubi,

Ergo solidi & similes.

Ex. 19. oca
Aqui.

Hypothesi

Secunda concludit, inter c d duos sis. cadere numeros continuè proportionales.

Si fuerint duo numeri solidi similes, necesse est inter eos, duos numeros continuè proportionales interesse.

Ex. 18. oca
Aqui.

Atqui c d sunt huiusmodi,

Ergo inter c & d duo intererunt medij.

Conclusio
præcedētis

Tertia colligit, inter a b duos quoque interesse proportionales.

Si inter duos numeros quodlibet continuè proportionales ceciderint, totidem inter alios eiusdem vi. proportionis cadere est necesse.

Ex. 8. oca

At inter c d cadunt duo numeri, & a b eandē habent cum illis proportionem,

Est conclusio
præcedētis.

Ergo inter a b duo cadēt proportionales e f.

Postrema ostendit, b esse cubum, quod fuerat demonstrandum.

Ex. 12. oca
Aqui.

Si quatuor numerorum continuè proportiona-

E 3 lium

lium primus fuerit cubus, quartus quoq; erit cubus:

Ex præcedentibus. At a, c, f, b , sunt numeri proportionales, & a est cubus,

Ergo b erit numerus cubus.

Theorema septimum.

3. noni.

Si numerus cubus in seipsum ducatur, qui inde producetur, erit cubus.

Sit a cubus numerus, ex quo in se ducto fiat b , dico b fore cubum. Sit enim c latus a numeri cubi, ducaturq; in seipsum, & fiat d , certè ex c in d fiet a , quod manifestū est ex lateris cubi numeri diffinitione. Iam cum c seipsum multiplicans efficiat d , quoties unitas est in c , toties erit c in d per diffinitionem primæ propositionis:

Quare quæ est proportio unitatis ad c , eadem est c ad d .

Rursus cum c seipsum multiplicans efficiat d , & multiplicans d producat a , per.18. quæ erit proportio c ad d , eadem erit d ad a . Ex quibus sequitur unitatem, c, d , & a esse continuè proportionales, contineriq; inter unitatem & a duos medios numeros continuè proportionales. Porro cum a in seipsum ductus efficiat b , quoties unitas in a , toties a in b , eritq; proportio unitatis ad a , sicut

a ad a

a ad b : cumq; inter unitatem & a duo medij numeri intersint proportionales, inter a quoq; & b totidem intererunt, sintq; f & g , quod probatur ex. 8. octavi.

Si igitur a, f, g, b , sunt quatuor numeri cōtinuē proportionales, & a ex hypothesi est cubus:

Ergo per præcedentem b erit cubus, quod fuerat demonstrandum.

Demonstrationis explicatio.

Demonstratio probat, si a cubus numerus in se ipsum ducatur, & producat b , b esse cubum sex rationibus.

Prima concludit, si c latus cubi numeri a in seipsum ducatur, & producat d , ex ductu c in d fieri a , in hunc modum.

Latus cubi numeri est numerus, ex cuius ductu in seipsum bis cubus producitur,

At c est latus cubi a ,

Ergo ex c in seipsum bis fiet a , atqui ducere c in seipsum bis nil aliud est, quàm ducere c in d : igitur ex c in d fiet a .

Ex diffinitione lateris cubi.

Hypothesis.

Secunda concludit, unitatem ad c esse, sicut c ad d , in hunc modum.

Quando numerus numerum multiplicat, quoties

Ex diffinitione primæ.

ELEMENTA

unitas est in multiplicante, toties multiplicatus est in tertio, qui gignitur.

Hypothesis. At c seipsum multiplicat, & fit d ,
sis. Ergo quoties unitas in c , toties c in d , erit q̃;
 proportio unitatis ad c , quæ est c ad d .

*Tertia concludit, quæ est propor-
 tio c ad d , eandem esse d ad a , in
 hunc modum.*

Ex. 18. se- Si numerus unus in duos ducatur, qui gignuntur
ptimi. ex multiplicatione eandem servant proportionem,
 quam multiplicati.

Hypothesis. At ducitur c in seipsum & fit d , ducitur quoq̃;
sis. c in d , & fit a ,

Ergo quæ est ratio c ad d , eadem erit d ad a ,
 ex quibus sequitur unitatem, c , d , & a esse conti-
 nuè proportionales, contineriq̃; inter unitatem & a
 duos numeros continuè proportionales.

*Quarta concludit, esse proportio-
 nem unitatis ad a , sicut a ad b , in
 hunc modum.*

Ex diffini- Quando numerus numerum multiplicat, quoties
tione pri- unitas est in multiplicante, toties multiplicatus est
mæ. in tertio, qui gignitur,

Hypothesis. Atqui a in seipsum ducitur, & fit b ,
 Ergo sicut unitas ad a , ita a ad b .

*Quinta concludit, inter a & b
 duos*

duos interesse numeros proportionales, in hunc modum.

Si inter duos numeros numeri quodlibet continuè proportionales ceciderint, inter omnes eiusdem vi. proportionis, totidem cadere est necesse, Ex. 18. 04

Atqui inter unitatem & a duo medij intersunt, Ex præcedentibus.
estq; sicut unitas ad a, ita a ad b,

Ergo duo erunt medij inter a & b, f scilicet & g.

Postrema colligit, b esse cubum, quod erat demonstrandum, in hunc modum.

Si quatuor numerorum continuè proportionalium primus fuerit cubus, quartum cubum esse est necesse. Ex. 5.

Atqui a, f, g, b sunt numeri continuè proportionales, estq; a cubus, Ex præcedentibus.

Ergo & b erit numerus cubus.

Theorema octauū. 4. noni, quo vsus est Arist. cap. 7. primi Post.

Sicubus in cubum ducatur, qui a inde producetur erit cubus.

Int a & b cubi, fiatq; ex a in b c, dico c fore cubum. Ducatur a in se, & fiet d, eritq; per præcedentem d cubus: Et quia per. 18. septimi
E S est

est a ad b , sicut d ad c , constat ex. 13. octavi esse cubum.

Explicatio.

Demonstratio concludit, cum sint a & b cubi, & ex a in b fiat c , c esse cubum tribus rationibus.

Prima ostēdit, si a in seipsum ducatur, & fiat d , d esse cubum.

Ex. 3. nomi. Si cubus ducatur in seipsum, qui producetur cubus erit.

Est hypo- At a , cum sit cubus, in seipsum ducitur, & fit d .
thesis. Ergo erit d cubus.

Secunda colligit, esse a ad b , sicut d ad c .

Ex. 18. se- Si numerus unus in duos ducatur, qui gignuntur
ptimi. eandem rationem habent, quam multiplicati,

Atqui a ducitur in seipsum, fitq; d , ducitur etiam in b , & fit c ,

Ergo sicut a & b , ita d & c .

Postrema colligit, c esse cubum, quod fuerat demonstrandum,

Ex. 23. o- Si duorum numerorum, quorum proportio fuerit
ctavi. sicut cubi ad cubum, alteruter fuerit cubus, erit quoq; cubus & alter,

Ex præce- At d & c sese habēt sicut a & b , qui sunt cubi, & d
dentibus. est cubus,

Ergo c erit cubus.

Theorema nonum. 21. noni

Si pares numeri quilibet compo- 2 4 6
nantur, cōpositus ex omnibus par erit. v b c

Componentur numeri a, b, c , qui singuli sunt pares, totus a, c erit par. Nam quoniā unusquisque ipsorum a, b, c , par est, partem habebit dimidiam, quod constat ex diffinitione paris numeri. Quare & totus a, c in duo dimidia diuidi poterit, ac per diffinitionem numeri paris, totus a, c par erit.

*Demonstratio facilior est, quàm
vt explicatione indigeat.*

Theorema decimum. 23. noni.

Si impares numeri componentur, 3 5 7
& multitudo ipsorum fuerit impar, 4 b c
*numerus, ex quibus componitur, erit
impar.*

Componentur numeri impares a, b, c , quorum multitudo est impar, totus a, c erit impar.

Auferatur à c unitas, & relinquatur e par numerus, cum igitur a, b sit par, per. 23. quæ demonstrat, si numeri impares coaceruentur, quorum multitudo sit par, numerum ex eis compositum esse

esse parem, si illis addatur e , totus a e erit par per præcedentē: toti huic, si unitas addatur fiet impar: at unitate addita fit a c , totus igitur a c est numerus impar.

Hæc quoque explanationē non desiderat.

Qui de Arithmetica scripserunt, omnes fermè Logisticam seu Computatoriam videntur cum ea cōiunxisse, quæ in sola contemplatione versatur, sed nobis vel ob hanc causam illā prætermittere licebit, quod scilicet possit ex alijs commodè peti, & ad disciplinam Aristo. nil omnino opis ferat.

Finis Arithmetice institutionis.



Quid

Quid Geome- TRIA, ET QVOT eius principia, & partes.



GEOMETRIA

vna est ex Mathematicis, Arithmetica sola posterior, cæteris omni-

bus ordine prior, & demonstrationũ firmitate longè superior: quæ magnitudinum, figurarum, terminorumq; in his existentium rationes perpendit, affectionesq; varias ad magnitudinem pertinentes certissima ratione inuestigat, ac inesse ipsi argumentis necessarijs demonstrat. Huius, quemadmodum & aliarum, duas pleriq; fecerunt partes: quarum altera in contemplatione sola consistit,
altera

E L E M E N T A

altera in actionem & opus referatur. Prior simplex est & vna, hac in tria membra diuisa Altimetriã, Planimetriam, & Stereometriam, metiri corporum molem, secundum omnem partem ac dimensionem, arte docet & instrumentis: prima linea, hoc est, longitudinis, secunda extremitatis & latitudinis, tertia altitudinis mensuranda rationem ostendẽte. Nobis propositum est, eius tradere elementa, quæ in contemplationem solam incumbit. Continet perinde atq; Arithmet. ars ista firmissima principia: quorũ alia simplicia sunt, alia composita. De quibus omnibus, quatenus instituti nostri ratio postulat, dicendum est.

Diffinitiones simplicia
principia.

Magni

Magnitudinis principium punctus est, quemadmodum & numerorum vnitas.

Punctus est, cuius nulla est pars, & in coniuncta collocatur quantitate: cuius fluxu, perinde ac si vestigiū aliquod relinqueret, linea describi à Mathematicis intelligitur.

Linea, est longitudo sine latitudine, cuius extrema sunt puncta. Recta est breuissima extensio, cuius medium non declinat ab extremis. Inflexa, seu obliqua, cuius medium ab extremis discrepat.

Ex lineæ fluxu extremitas describitur, quæ longitudinem & latitudinem tantum obtinet, altitudinis expers: & lineis clauditur.

Corpus, perfectissimam magnitudinem, suo fluxu efficit extremitas,

tribus



tribus continetur dimensionibus, longitudine, latitudine, & crassitie: clauditurq; aut vna extremitate, aut pluribus, ut talus & sphaera.

De angulis.

Angulus, est duarum magnitudinum contactus mutuus, nō rectè iacentium: aut potius magnitudo altera parte finita, & duabus lineis, vel extremitatibus comprehensa, se non rectè contingentibus. Contactus rectus linearum, est quando ex duabus vna coalescit, atq; conflatur.

Anguli prima diuisio est in solidum, & planum: Planus, est linearū contactus, non rectè iacentium: Solidus, siue corporeus, est qui ex pluribus planis angulis, in eadē superficie minime constitutis, & ad idem punctū

concur-

cōcurrentibus efficitur. Comprehen-
ditur itaq; angulus solidus, ut mini-
mum, tribus lineis rectis, & tribus pla-
nis angulis.

Planus angulus, aut rectilineus
est, aut curvilineus, aut mixtus. Re-
ctilineus est, qui ex rectis lineis con-
ficitur: Curvilineus, qui ex obliquis:
Mixtum efficiunt recta & obliqua,
cūm cōeunt.

Diuiditur vnaqueq; harū formarū
plani anguli in alias præterea spe-
cies. Rectilineus, in rectum, acutū, &
obtusum. Rectū angulū efficit linea
recta, super rectam incidens ad per-
pendiculum, ut a d. Cūm autē linea
vna aliam intersectat, non ad perpen-
diculum, sed obliquè, fiunt anguli
obtusus, & acutus. Obtusus maior est
recto, ut e. Acutus recto minor, ut c.



F. Curui-

ELEMENTA

Curvilineus angulus tres habet species, Concauum, Conuexũ, & Medium. Concauus est, quem duæ lineæ circulares continent, sese secundum interiorem partem contingentes: Conuexum efficiunt quoq; lineæ circulares, quæ se secundum exteriorem partem contingunt: Medium ab eisdem constituitur, cum altera secundum partem interiorem, altera secundum exteriore, ad idẽ punctũ concurrunt.

Mixtus angulus tres quoq; sub se formas cõtinet: Angulum cõtingentia, qui fit ex cõtactu rectæ lineæ ad curuã secundum exteriore partem: Angulũ semicirculi, qui produci-
tur ex contactu diametri, & circũferentia in interiore parte circuli. & Angulum portionis circuli, quem efficit recta linea non ducta per centrum
cum

cū circumferentia circuli: quorū omnium exempla in subiectis figuris cernuntur:

De figura.

Figura est, quæ aut extremo vno clauditur, aut pluribus. Plana, quæ in extremitate descripta, lineis comprehenditur. Solida, quæ clauditur extremitatibus. Plana, aut rotunda est, aut rectilinea. Rotunda circumlum continet, & quas irregulares Geometræ appellant.

Circulus est plana figura, vnica linea comprehensa, quæ circumferentia dicitur: in cuius medio punctus est, à quo omnes lineæ ad circumferentiam ductæ pares sunt.



Dimetiens circuli, est linea per centrum acta, vtrinque in circumse-

rentiam desinens.

Semicirculus, est figura diametro, & abscisa circuli circumferētia cōprehensa.

Sectio, seu portio circuli, est quæ sub recta linea, & portione circuli, aut maiore, aut minore semicirculo continetur: vocaturq; linea huiusmodi corda: portio verò circuli, arcus.

Area in circulo, & in alijs figuris, appellatur superficies, quæ intra lineam, aut lineas comprehenditur.

Rotunda figura irregularis curva linea una continetur, sed in ea nō est punctus, à quo linea ad circumferentiam ducta, pares sint: ut oui figura, aut lentis.

Rectilinea figura, sunt quæ sub rectis lineis continentur: cuius infinitæ sunt formæ, & à numero laterum

rum, atq; angulorum nomē accipiūt.

Prima est triangulum, quod tribus lateribus continetur, & totidem angulis.



Aequilaterū, quod tribus constat equis lateribus: Isosceles, quod duo tantū habet equalia latera. Scalenū, cuius omnia latera inequalia sunt.



Est & altera trianguli diuisio ex angulis desumpta, in Orthogonium, quod rectum vnum habet angulum: Ambligonium, quod obtusum vnum habet, & acutos duos: Oxigonium, cuius omnes acuti sunt anguli.



Figurarum quadrilaterarū quadratum, est quod aequilaterum & rectangulum est, vt d.



Alter a parte longius, quod rectangulum quidem est, sed non aequilaterum, vt e.





Rombus, qui æquilaterus, sed re-
ctangulus non est, ut f.



Romboides, qui neq; æquilaterus,
neq; rectangulus est: habet tamen op-
posita latera æqualia, & pares an-
gulos, ut g.



Alia ab his, quæ quatuor conti-
nentur lateribus, trapezia dicuntur.
Figura quinque lateribus cõstans,
pentagona est, ut i.



Quæ sex habet latera, hexagona,
ut d. Sicq; in immensum excrescunt.

Figura solida, est quæ aut extre-
mitate vna clauditur, aut pluribus:
cuius formæ sunt permultæ, quas per-
sequi non est nostri instituti.

Basis in omnibus figuris rectili-
neis appellatur linea, quæ subijci ac
substerni cæteris intelligitur: reli-
quæ latera vocantur.

Parallæ lineæ, sunt rectæ lineæ, quæ in eadem superficie descriptæ, etiam si utraque ex parte in infinitum producantur, nunquam concurrant.



In spacio parallelogramo, ea, quæ diameter secat per medium parallelogrami, circa eandem diametrum consistere dicuntur. Eorum verò, quæ circa eandem diametrum consistunt, unumquodque cum duobus supplementis gnomon appellatur, ut in proposita figura $a b c d$ quadratum $a g e k$, & parvulum quadratum $k f b d$, quæ diameter $a d$ per medium secat, circa eandem diametrum dicuntur consistere. Reliqua $g k$, & $c f$, & $c k$. $b h$ supplementa vocantur: unumquodque autem quadratum cum duobus his supplementis dicitur gnomon.



✠ Axiomata, seu dignitates, ✠

- 1 **Q**Uæ uni & eidem sunt equalia,
& sibi inuicem sunt equalia.
- 2 Si equalibus equalia addantur,
vel idem commune, quæ procreantur
sunt equalia.
- 3 Si ab equalibus auferatur aqua-
lia, quæ relinquuntur erunt equalia.
- 4 Si inæqualibus inæqualia adij-
ciantur, omnia erunt inæqualia.
- 5 Si ab inæqualibus equalia aufe-
rantur, reliqua inæqualia erunt.
- 6 Quæ eiusdem sunt duplicia, aut
equè multiplicia, equalia esse sibi in-
uicem est necesse.
- 7 Quæ eiusdem sunt dimidiū, aqua-
lia sunt ad inuicem.
- 8 Quæ sibimet cōueniunt, sunt quoq;
equalia

Omne

*Omne totum maius est sua parte, 9
& omnibus partibus simul sumptis
æquale.*

✻ Postulata. ✻

A *Quovis puncto in datum quod-¹
cunq; punctum rectam lineam
ducere.*

*Rectam lineam definitam in con-²
tinuum rectumq; producere.*

*Super centrum quodvis, occupato³
quantolibet intervallo, circulum de-
scribere.*

*Omnes rectos angulos ad invicem⁴
esse æquales.*

*Si linea recta super duas rectas ce-⁵
ciderit, & anguli ex eadem parte
duobus angulis rectis minores fue-
rint, duas illas in eandem partē pro-
tractas, coniunctum iri.*

F 5

Rectam

6 *Rectam lineam, vel obliquam à dato puncto, quod intra figuram est, ad extremū quodcunq; punctum in eodem plano signatumeductā, ipsius figuræ latera intersecare.*

8 *Duas rectas lineas superficiē nullam claudere.*

Sunt & alia tam postulata, quàm axiomata his similia penè infinita, quæ longum esset percensere.

T H E O R E M A

primum.



Triangulum æquilaterum, supra datam rectam lineam collocare.

Sit recta linea *a b*, pede uno circini in *a* collocato, & altero usq; ad *b* extēso, circulū describā per tertiam petitionem, *c d b*: Rursus, seruata eadem circini extensione, super punctum *b* alterum describam circulum priori æqualem, qui se in duobus

bus punctis interfecabunt c , & h . Ab intersectione altera, ut c , ad puncta lineæ $a b$, rectas duas lineas ducam per primam petitionem: eritq; factum triangulum æquilaterum, $a c b$. Nam quia à centro a , circuli $c d b$ ductæ sunt lineæ $a b$, & $a c$ ad eius circumferentiam, erunt æquales per circuli diffinitionem. Eadem quoq; ratione lineæ $b a$, & $b c$ pares erunt, ducuntur enim à centro circuli $a c e$ ad eius circumferentiam. Iam cum lineæ $a c$, & $b c$ æquales sint lineæ $a b$, ipse quoq; erunt æquales per primum axioma. Ita relinquatur, latera omnia trianguli $a c b$ esse æqualia, ac proinde factum esse triangulum æquilaterum, quod fuerat demonstrandum.

Explicatio.

Demonstratio probat, triangulum $a c b$ æquilaterum esse tribus rationibus.

Prima concludit, lineas $a c$, & $a b$ esse pares, in hunc modum.

Omnes lineæ ductæ à centro ad circumferentiã pares sunt.

Lineæ $a c$, & $a b$ ducuntur à centro ad circumferentiam,

Ergo lineæ $a c$, & $a b$ sunt pares.

Ex diffini-

tione circu-
li.

Hypothesi-
sis.

Secunda

E L E M E N T A

Secunda colligit, lineas a b & b c pares esse, argumento simili, & ex eodem principio ducto.

Tertia concludit, lineas a c & b c pares esse, in hunc modum.

Ex. 1. axio-
mate.

Ex præce-
dentibus.

Quæ sunt eidem equalia, sunt ad inuicem equalia.

Lineæ a c & b c sunt æquales lineæ a b,

Ergo sunt ad inuicem æquales. Ex quibus sequitur in proposito triângulo latera omnia esse equalia:

Theorema secundum.

A *Dato puncto, cuius rectæ lineæ propositæ æquam rectam lineam ducere.*

S *It a punctus datus, & b c linea proposita, cui à puncto a ducenda sit æqualis. a punctum cōiungam cum altero extremo lineæ b c, nempe c per lineam a c, super quam constituam triangulum æquilaterum per præcedentem a c d. Iam pede circini in extremo c collocato, & altero secundum quantitatem b c lineæ expanso, describam circulum e b per tertium postulatum, & latus trianguli æquilateri d c protraham usq; ad e, ut sit linea tota d c e: secundum cuius quantitatem describā circulum e f, & latus d a trianguli protraham usq; ad f. Erit itaq;*



itaq; lineæ $a f$, lineæ $b c$ æqualis. Nam $b c$ & $c e$ æquales sunt, cum ex eodem centro ducantur. Rursus $d f$ & $d e$ sunt itidem pares propter eandem causam. Ab his auferamus $d a$ & $d c$ latera æqualia trianguli, quæ supererunt lineæ $c e$ & $a f$ erunt æquales per tertiū axioma. Quod si lineæ $c e$ æqualis est $a f$, & eidem æqualis $b c$, $b c$ igitur & $a f$ pares erunt per primum axioma.

Explicatio.

Demonstratio probat in proposita figura lineam $a f$, quæ ducta est à dato puncto a , propositæ lineæ $b c$ æqualem esse quatuor rationibus.

Prima ostendit, lineas $b c$ & $c e$ æquales esse, in hunc modum.

Omnes lineæ ductæ à centro ad circumferentiam pares sunt,

Lineæ $b c$ & $c e$ ducuntur à centro ad circumferentiam,

Ergo sunt æquales.

Secunda ostendit, $d f$ & $d e$ pares esse simili prorsus argumento, quia ducuntur à centro circuli $e f$ ad circumferentiam.

Tertia demonstrat, lineas $e c$ & $a f$ pares esse.

Ex diffinitione circuli.

Hypothesis.

Si ab



Ex. 3. axio-
mate.

Si ab æqualibus auferantur æqualia, æqualia re-
linquentur,

Ex præce-
dentibus.

Lineæ $d f$, & $d e$ sunt pares.

Ergo sublatis partibus æqualibus $c d$, & $a d$,
quæ supererunt lineæ $c e$, & $a f$ erunt æquales.

Postrema demonstrat, $a f$ æqua-
lem esse $b c$.

Ex. 1. axio-
mate.

Quæ eidem sunt æqualia, sunt sibi inuicē æqua-
lia,

Linea $b c$ æqualis est lineæ $c e$, & eidē æqua-
lis est $a f$,

Ergo lineæ $a f$ & $b c$ sunt æquales, quod fue-
rat demonstrandum.

Theorema tertium.

Duabus datis rectis lineis inæqua-
libus, à maiori minori æqualem rectā
lineam abscindere.



Sint lineæ duæ $a b$, & $c d$, & à maiori $c d$,
sit minori æqualis abscindenda. A puncto c
duco æqualem $a b$, ut præcedens docuit: sitq; $c e$.
Ac centro c , intervallo autem $c e$, describam cir-
culum, lineam $c d$ interfecantem in puncto f . Linea
 $c f$ æqualis est lineæ $c e$, & eidem æqualis erat $a b$:
erunt igitur $a b$, & $c f$ pares per primam com-
munem sententiā. Ita à maiori linea $c d$, abscissa est
minori $a b$ æqualis scilicet $c f$.

Explicatio

Explicatio.

Demonstratio probat lineam cf , quæ à maiori e d abscinditur, æqualem esse lineæ ab , duabus rationibus.

Prima ostendit, lineam cf æqualem esse lineæ ce , in hunc modum.

Lineæ ductæ à centro circuli ad circumferentiã sunt pares, Ex diffinitione circuli.

Lineæ cf , & ce ducuntur à centro circuli ad circumferentiã, Hypothesis.

Sunt igitur pares.

Secunda concludit, lineam cf æqualem esse lineæ ab , quod fuerat demonstrandum.

Quæ eidem sunt equalia, sunt ad inuicem equalia, Linea ab est equalis lineæ ce , & eidem ce equalis est linea cf ,

Ex I. axioma.

Ergo cf & ab erunt æquales.

Ex precedentibus.

Theorema quartum.

Quorūcūq; duorū triangulorū duo latera vnius, duobus lateribus alterius fuerint equalia, & anguli his æquis lateribus contecti æquales, erit basis



basis basi, & reliqui anguli unius, reliquis angulis alterius æquales, & deniq; totus triangulus toti triangulo æqualis.

Sint duo triangula $a b c$, $d e f$, sitq; latus $a b$ æquale lateri $d e$, & latus $a c$ æquale lateri $d f$, & angulus a æqualis angulo d . Dico basim $b c$ æqualem esse basi $e f$, & angulum b angulo e , angulum c angulo f , & totam trianguli $a b c$ superficiem superficiem triāguli $d e f$ æqualem. Superponatur & accommodetur triangulum $a b c$ triangulo $d e f$, ut angulus a cadat super d angulum, latus $a b$ super $d e$, & $a c$ super $d f$. Certè ista omnia cōgruent sibi metipsis, & neq; angulus angulum excedet, nec latera unius trianguli, latera alterius, per octauum axioma. Rursus cum latus $a b$ conueniat cum latere $d e$, & $a c$ cum latere $d f$, punctū b congruet puncto e , & c puncto f : quare basis $b c$ congruet basi $e f$, & erit ipsi æqualis. Alioqui si extremis punctis linearum cōgruentibus, lineæ non congruerent, una extra alteram caderet, & clauderent superficiem, quod repugnat ultimo postulato. Quod si lineæ omnes trianguli unius pares sunt lineis alterius, & anguli angulis, totum triangulum toti erit æquale.

Explicatio:

Ex octauo
axioma.

Demonstratio uim accipit ex penultimo axioma
te, &

mate & unica ferè ratione, quod demonstrandum est, concludit ad hunc modum.

Quæ sibi inuicè congruunt, sunt equalia.

Sed si triangulum abc , triangulo cdf , superponatur & accommodetur anguli angulis cōgruūt, mate hypothes.

Ergo & anguli pares sunt anguli, & lineæ lineis, & totus triangulus toti triangulo est equalis.

Theorema. quintum.

Isoſcelis trianguli qui sunt ad basim anguli, pares sunt. Quòd si eius duo latera rectè protrahātur, fient quoque sub basi duo anguli inuicem æquales. quo vsus est Aristoteles.

24. cap. primi Priorum.

Sit triangulus abc , cuius latus ab , sit æquale lateri ac : dico angulum abc , æqualem esse angulo acb . Quòd si protrahantur ab , & ac , usq; ad d , & e , fiet angulus dbc , equalis angulo ecb . Protrahek a, b , & a, c , constituam lineam ad , æqualem lineæ ae , per tertium Theorema: & educam lineas eb , & c, d . Hæ ita constitutis intelligo primū duos triangulos abd , & ace , qui æquales sunt & æqui anguli. Nam prioris litera ab , & ae , equalia sunt duobus lateribus alterius a, c : et ad , angulus a , cōmunis utriq; ergo per præcedentem, basis bc , equalis

G crit



E L E M E N T A

erit basi $c d$, & angulus e , equalis angulo d , & angulus $a b e$, equalis angulo $a c d$. Item alios duos triangulos intelligo $d b c$, & $e c b$: qui ostenduntur esse equilateri, & equianguli. Nam latera $a b, d$ & $c d$, trianguli b, d, c , sunt equalia duobus lateribus $e c$, & e, b , trianguli $e b c$: & angulus d , angulo e , ergo per precedentem, basis basi, & reliqui anguli reliquis angulis. Quare angulus d, b, c , est equalis angulo $e c b$, quod secundo loco fuerat demonstrandum. Illi enim sunt sub basi isoscelis positi. Iam totus angulus $a b e$, est equalis $a c d$: si ergo à toto auferamus equales angulos $e c b$, & $d b c$, qui supererunt $a b c$, & $a c b$, erunt equales per tertium axiomam, qui sunt anguli ad basin isoscelis positi, quod primo loco fuerat demonstrandum.

Explicatio.

Demonstratio sumptis hypothesebus, & constituta figura, demonstrat in primis triangulos $a b e$, & $a c d$ esse equiangulos & equales in hunc modum.

Ex quarto. Omnium triangulorum, quorum duo latera unius fuerint equalia duobus lateribus alterius, & anguli equilateribus contenti equales, erit basis basi, & denique totus triangulus toti equalis.

Ex hypothesis. Sed in propositis ita res sese habet. Ergo totum triangulum toti par erit, & angulus $a b e$, equalis angulo $a c d$.

Secunda ratio ostendit partem posteriorem angulos, qui sunt sub basi $d b c$, & $e c b$, pares esse.

Omnium

Omnium triangulorum, quorū duo latera unius fuerint equalia duobus lateribus alterius. &c. sed in propositis triangulis, latera db , & dc , trianguli dbc , equalia sunt lateribus alterius ec , & eb : & anguli d æquales.

Ergo anguli, qui sunt sub basi Isoscelis e c b, & d b c, erunt æquales.

Tertia ratio concludit priorem partem, angulos $a b c$, & $a c b$, qui sunt ad basim isoscelis pares esse.

Si ab æqualibus au-
quantur sunt æqualia.

Ex. 3. axio
mate.

1 Sed totus angulus $e b a$ æqualis erat toti angulo $d b c$. Ex præce-
d c a, & a b his ablati sunt æquales anguli $d b c$, & dentibus.
e c b, qui sunt sub basi.

Ex præce-
dentibus.

Ergo qui relinquuntur anguli $a b c$, & $a c b$,
erunt æquales, quod fuerat demonstrandum.

Theorema sextum. 8. primi.

Omniū triangulorū, quorū
duo latera vnius fuerint equalia
duobus lateribus alterius, & basis
basis equalis, qui continentur aequis
lateribus, anguli erunt aequales.



Sint duo trianguli abc , def , sitq; latus ac .

G $\frac{1}{2}$ eguale

E L E M E N T A

æquale lateri d f, & b c, æquale e f, & a b basis, æqualis basi d e. Dico angulum e parem esse angulo f, angulū a, angulo d, & b, e. Nam si triangulus unus alteri superponatur & accommodetur, certè oportebit latera lateribus congruere, & basim basi, per octauum axioma. Et punctus f cadet super c, alioqui lineæ non essent pares, ut ex altera constat figura. cadet quoque d super a, & e super b. Ita anguli omnes unius erunt pares angulis alterius, quod fuerat demonstrandum.



Explicatio.

Demonstratio unica hac ratione concludit propositum, angulos æquis lateribus contentos pares esse f, c: d, a, e, b.

Ex. 8. axio *Quæ sunt æqualia, sibi inuicem congruunt, sed*
mate. *latera unius trianguli æqualia sunt lateribus alte-*
Ex hypo- *rius, & basis basi.*
the.

Ergo si alter alteri accommodetur, & latera congruent, & anguli angulis. Quare necesse est angulos esse pares.

Theorema septimum. 9. primi.

Datū angulum per æqualia secare.

Sit datus angulus, quē oportet diuidere a b c, lineæ ipsum continentēs, fiant æquales, sint a b c, & a c. Et trahatur lineæ b c: super quam constitutur triangulus

G E O M E T R I C A. 51

triangulus, siue æquilaterus, siue æquicrurus $b d c$, punctiq; $a d$ linea recta iungantur $a d$. Dico illam diuidere angulum a in duo æqualia. Sunt enim duo trianguli, $b a d$, & $c a d$: quorum latera unius sunt æqualia lateribus alterius, scilicet $b a$, & $a d$, & $c a$ & $a d$: & basis $b d$, basi $b c$. Quare per præcedentem anguli æquis lateribus contenti $b a d$, & $c a d$, pares erunt. Ita constat totum angulum $b a c$ diuisum esse in duo æqualia.

Explicatio.

Concludit demonstratio angulum $b a c$, per lineam $a d$, diuisum esse in duo æqualia unica ratione.

Quorum triangulorū latera unius æqualia sunt lateribus alterius, & basis basi, Anguli æqui lateribus contenti sunt æquales, Ex. 6. axio mate.

Sed duo latera $b a$, & $d a$, trianguli $b d a$, æqualia sunt duobus lateribus alterius $c a$, & $d a$, & basis $b d$, basi $d c$, Ex hypothesibus.

Ergo anguli $b a d$, & $c a d$, æquis lateribus contenti, pares erunt. Quare totus angulus $b a c$, diuisus est in partes æquas.

Theorema octauum. 10. primi.

Datam rectam lineam, per æqualia diuidere.



Sit linea diuidenda per æqualia $a b$, super ipsam
G ij constia

E L E M E N T A

constituam triangulum æquilaterum abc , & angulum c diuidam in partes æquas per præcedentē, ducta linea cd .

Dico lineam cd , diuidere lineam ab per æqualia. Sunt enim duo trianguli acd , & bcd , & latera prioris ac , & dc , sunt æqualia lateribus alterius bc , & dc , & angulus c unius, par angulo c , alterius. Erit igitur per quartam basis ad , æqualis basi db , quod demonstrandum erat.

Explicatio.

Demonstratio unica ratione propositum concludit, lineam ab , à linea cd , in partes æquas esse diuisam.

Ex quarto. Quorum triangulorum latera sunt æqualia, & anguli æquis lateribus contenti pares, basis basi est æqualis.

Ex hypothesis. Sed duorum triangulorum acd , & bcd , latera sunt æqualia, & angulus c par angulo c :

Ergo basis ad , æqualis basi db . Linea igitur ab in partes æquas est diuisa.

Theorema nonum. ii. primi.



Data recta linea, à signo in ea signato, rectam lineam ad rectos angulos excitare.

Sit

Sit data linea ab , signetur in ea punctus c , à quo sit educenda perpendicularis. per. 3. constituam lineam bc æqualem lineæ ac : & super totam ab , cōstituo triangulum æquilaterum abd , actandē ex traho ex puncto c , lineam cd , hanc dico esse perpēdicularem ad lineam ab . Sunt enim duo trianguli acd , & bcd : & quia duo latera ac , & cd unius, sunt æqualia lateribus cb , & cd alterius, & basis ad , basi bd , erit per. 8. angulus acd , æqualis angulo bcd . Quare uterq; eorum erit rectus. Cū enim recta linea super rectā consistens angulos utraq; parte æquales fecerit, uterq; æqualium angulorum rectus est, & linea, quæ super altera cōstitit, est perpendicularis. Quare linea cd , ad lineam ab erit perpendicularis.

Explicatio.

Demonstratio colligit lineam cd , esse perpendicularē, & angulos acd , & bcd , esse rectos, duabus rationibus. Prima concludit præfatos angulos esse pares.

Quorum triangulorum latera sunt æqualia, & Ex. 8. pro. basis basi æqualis, anguli æquis lateribus contenti sunt æquales.

Sed latera ac , & cd sunt æqualia lateribus cb Sunt hypo. & cd , & basis ad , basi bd . the.

Ergo anguli acd , & bcd , erunt æquales: nam continentur æquis lateribus.

Secunda concludit prædictos angulos esse re-

dos, & lineam c d esse perpendiculararem, in hunc modum.

Cum recta linea super recta consistens utrobique angulos æquales fecerit, uterque illorum angulorum est rectus, & linea, quæ super altera cadit est perpendicularis.

Ex præcedentibus.

At linea c d, efficit æquales angulos. Ergo & perpendicularis est, & anguli, quos constituit, sunt recti.

Theorema decimum. 13. primi.



Cum recta linea super recta consistens, angulos fecerit, aut duos rectos, aut duobus rectis, pares efficiet:

Super rectam c d, cadat linea a b, quæ si fuerit perpendicularis, faciet duos angulos rectos per conversionem diffinitionis lineæ perpendicularis. Si autem non sit perpendicularis, ducatur à puncto b perpendicularis, per. 11. b e, eruntque duo anguli e b c, & e b d recti per eandem conversionem. Iam cum duo anguli d b a, & a b e sint pares angulo d b e, ipsi cum angulo c b e, erunt æquales duobus rectis. Quare tres anguli d b a, a b e, & c b e pares sunt duobus rectis.

Sed angulus c b a, est æqualis duobus angulis c b e, e b a, ergo duo anguli c b a, & a b d, sunt æquales duobus rectis. Hinc fit totum spaciū, quod circumstat punctum quod vis in superficie plana,

plana, quatuor rectis angulis esse æquale.

Explicatio.

Demōstrationis prior pars explicatione nō eget. Altera eius pars concludit angulos $c b a$, & $d b a$, esse pares duobus rectis his rationibus. Prima colligit, ducta linea perpendiculari $b e$, angulos $c b e$, & $e b d$ esse rectos.

Cū recta super rectam consistens, angulos fecerit adinuicem æquales, uterq; illorum angulorū est rectus.

Sed anguli propositi fiunt à linea $b e$ ad perpendicularium ducta.

Igitur sunt anguli recti.

Altera colligit angulos rectos $c b e$, $e b d$ pares esse angulis tribus $e b a$, $a b d$, $e b c$ in hunc modū.

Si æqualibus addantur æqualia, aut idem commune, quæ reliquantur sunt æqualia,

Sed anguli duo $e b a$, $a b d$, æquales sunt angulo $e b d$: nam partes æquales sunt toti,

Ergo si utrisq; addamus angulum communem $c b e$, duo anguli $c b e$, $e b d$, pares erunt tribus angulis $e b a$, $a b d$, $e b c$.

Tertia ostēdit angulos $c b a$, $a b d$, æquales esse angulis $c b e$, $e b a$, $a b d$, æquales esse simili argumento.

Si æqualibus addantur æqualia, aut idem cōmune, quæ relinquantur sunt æqualia,

Sed angulus $c b a$ æqualis est angulis $c b e$, $e b a$,

G S totum



Ex diffinitione recti angu.
Hypothe.

Ex. 2. axiōmate.

Ex. 9. axiōmate.

Ex 2. axiōmate.

Ex. 9. axiōmate.

E L E M E N T A

totum enim æquale est partibus.

Igitur si utrisq; addamus communem angulum $a b d$, anguli $c b a$, $a b d$ æquales erunt tribus angulis $c b e$, $c b a$, $a b d$.

Quarta colligit quod demonstrandum erat, angulos $c b a$, $a b d$, esse pares duobus rectis.

Ex ratio.

Quæ eidem sunt æqualia, sunt inter se æqualia.

Ex præcedentibus.

Sed anguli $c b a$, $a b d$, sunt pares tribus $c b e$, $c b a$, $a b d$, & eisdem tribus æquales sunt anguli $c b e$, $e b d$.

Ergo anguli $c b a$, $a b d$, pares erunt angulis $c b e$, $e b d$. Quare cum hi recti sint, pares illi erunt duobus rectis.

Theorema vndecimū. 15. primi.

Omniū duarum linearum se inuicem secantium, omnes anguli cōtra se posui sunt æquales.



Sint duæ lineæ $a b$, & $c d$, se inuicem secantes in puncto e , angulus $d e b$ par erit angulo $a e c$, & angulus $c e b$ angulo $a e d$. Erunt enim per. 13. duo anguli $a e c$, & $c e b$ æquales duobus rectis. Itemq; anguli $c e b$, & $d e b$ erunt per eandem pares duobus rectis. Quare cum omnes anguli recti sint æquales, priores posterioribus pares erunt. Si igitur aufe-

ramus

ramus communem angulum $c e b$, erit angulus $a e c$ æqualis angulo $d e b$. Eodem modo reliqui oppositi ostendentur æquales.

Explicatio.

Demonstratio cõcludit angulos $d e b$, & $a e c$, oppositos esse pares duabus rationibus. Prima coligit angulos $a e c$, & $c e b$, itemq; angulos $c e b$, & $d e b$, esse pares duobus rectis, ac proinde inter se æquales ad hunc modum.

Recta linea super rectam consistens, angulos efficit rectos, aut pares, duobus rectis, sed priores sunt ex linea $e c$, super rectam $a b$ cadente, posteriores ex linea $e b$, super rectam $d c$, Ex 13.
Hypothe.

Ergo utriq; pares erunt duobus rectis, unde fit ut sint priores posterioribus æquales, nam per postulatum. 4. omnes recti sunt æquales.

Secunda concludit quod propositũ est, hoc patet: si ab æqualibus auferantur æqualia, uel idem commune, quæ relinquuntur sunt æqualia. Ex 3. axio
mate.

Sed anguli $a e c$, & $c e b$, pares sunt angulis $c e b$, & $d e b$, Ex præcedenti.

Ergo si ab ijs auferamus communem angulũ $c e b$, qui relinquuntur erunt æquales, $a e c$, & $d e b$. Simili argumento ostendentur æquales $c e b$, $a e d$, oppositi.

Theorema duodecimum.

16. primi.

Omnia

E L E M E N T A

Omnis trianguli vno latere pro-
ducto, exterior angulus vtrius in-
teriori & opposito maior est.



Protrahatur triāguli abc latus usq; ad d , an-
gulus dbc , maior est angulo bac , & bca . Diui-
dam enim per 10. lineam cb , per equalia in pun-
cto e : & protraham ae , usq; ad f , ut sit ef , equa-
lis ae . Protraham quoq; lineam bf , intelliguntur
duo triangula, cea , & bef . & quia duo latera a
 e , & ec , trianguli aec sunt equalia duobus late-
ribus fe , & eb , trianguli feb , & angulus e , unius
equalis est angulo e alterius per præmissam, sunt
enim anguli oppositi, erit per. 4. angulus eca ,
equalis angulo ebf , unde fit, angulum ebd , ma-
iorem esse angulo bca . Simili argumento proba-
bitur idem angulus ebd , maior esse cab ,

Explicatio.



Ex .4. Pro.
Hypo. theo.

Ex præce-
dente.

Demonstratio ostēdit angulū dbc , maiorē esse
angulo bca , hac sola ratione: Quorūcūq; trian-
gulorum duo latera unius sunt equalia duobus late-
ribus alterius, & anguli his æquis lateribus contē-
ti æquales, erit basis basi equalis, & totus triāgu-
lus toti triāgulo equalis. Sed latera ae , & ec ,
trianguli aec , sunt equalia duobus lateribus fe ,
& eb , trianguli feb , & angulus e , unius equa-
lis angulo e alterius, cum sint contra se positi. Er-

go angulus $e c a$, æqualis erit angulo $e b f$. Quare cum angulus $c b d$, maior sit angulo $e b f$, est enim pars illius, maior quoque erit angulo $e c a$, quod demonstrandum fuerat.

Theorema decimumtertium

18. primi.

Omnis trianguli longius latus, maiori angulo appositum est.

Sit in triangulo $a b c$, angulus a , maior angulo c , latus $c b$, maius erit latere $a b$. Si enim sit æquale, erit per 5. angulus a , æqualis angulo c , quod est contra hypothesim. Si autem $a b$, sit maius fiat æquale per, 3. sitque $d b$, æquale $c b$. Erit ergo per. 5. angulus $d c b$, æqualis angulo $b d c$. Sed $b d c$ est maior angulo $b a c$, per. 16. ergo $b c d$ est maior $b a c$, Quare erit etiam maior angulo $a c b$. Fiet itaque ut pars sit maior toto, quod cum fieri nequeat, sequitur verum esse quod fuerat demonstrandum.

Explicatio.

Demonstratio concludit, cum sit angulus a maior angulo c , latus $b c$, maius esse latere $a b$. Hoc argumento.

Aut est æquale, aut minus. Sed nec æquale, nec minus: igitur maius erit, non esse æquale ostenditur adhuc modum.

Angu

E L E M E N T A

Ex. 5. Anguli, qui sunt super basim isoscelis, sunt *æqua-*
les.

Sed a , & c , sunt anguli, supra basim isoscelis
positi.

Igitur erunt *æquales.*

Non esse autem latus $a b$ maius latere $c b$, his ra-
tionibus colligit. Prima concludit angulum $d c b$,
æqualem esse angulo $b d c$, eodem modo quo &
præcedens.

Secunda concludit angulum $b d c$, maiorem esse
angulo $b a c$, ad hunc modum,

Ex. 16. Omnis triāguli angulus externus maior est utro-
us interno opposito,

Sed $b d c$, est externus angulus trianguli $d a c$,

Ergo angulus $b d c$, est maior angulo opposi-
to $b a c$.

Tertia colligit inco- dum & impossibile,
partem maiorem esse toto.

Quod est maius maiore, maius est minore.

Axioma:

Sed angulus $b d c$, est maior angulo $b a c$, angu-

Ex præ.

lo autem $b d e$ par est angulus $b c d$.

Igitur angulus $b c d$ maior erit angulo $b a c$: at
angulus $b a c$ maior esse ponebatur angulo $b c a$:
fiet igitur, ut angulus $b c d$ maior sit angulo $b c a$,
cuius est pars, quod est impossibile.

Theorema decimumquartum

19. primi.

Omnia

*Omnis trianguli maior angulus
maiori lateri oppositus est.*

Sit triangulum abc , cuius angulus a sit maior
angulo c , latus ac maius erit latere ab . Nam
si non sit maius, aut æquale erit, aut minus: at neu-
trum esse potest. Primum æquale non erit, fieret
enim ut anguli a & c essent æquales, cum sint ad basim
sive Isoscelis, per quintam. Quod est contra hypo-
thesin. Minus quoque esse non potest, esset enim an-
gulus c minor angulo a , per præcedentem. Quas
re relinquitur, latus bc maius esse latere ab .

Demonstratio facilior est, quàm ut explicatio-
ne egeat.

Theorema decimum quintum, 27. primi.

*Si recta linea super duas rectas
ceciderit, duosque angulos sibi inuicem
æquales fecerit, recta illa linea erit
æquidistans.*



Linea ab cadat super duas lineas c & d ,
& e & f , & secet lineam c & d in puncto g , &
lineam e & f , in puncto h , sintque anguli d & b ,
& g & h

i 19131021





87

82

E L E M E N T A

Et $e h g$ *æquales*, dico lineas $c d$, *et* $e f$, esse æquidistantes. Nam si non sint, concurrant ergo ad $d f$, in puncto l , fiet triangulum $l g h$, cuius g est angulus externus, qui cum positus sit æqualis esse angulo h coalterno, tam intrinseco, quàm extrinseco, accidit, ut exterior angulus trianguli par sit interno ullo sito, quod repugnat decimosexto Theoremati.

In hoc quoq; nulla desideratur explicatio.

Theorema decimum sextum,

29. primi.



Si duabus lineis æquidistantibus linea supervenerit, duo anguli coalterni æquales erunt, angulusq; extrinsecus angulo intrinseco sibi opposito æqualis, itēq; duo anguli intrinseci ex alterutra parte constituti duobus rectis angulis æquales.

Explicatio.

Demonstratio multis partibus continetur. Prima concludit angulos g , *et* h coalternos, esse æquales argumento ducente ad incommodum.

Si angulus $b g h$ non est æqualis angulo $c h g$, alter eorū erit maior. Sit ergo maior angulus $c h g$.

Cum duo